



毛詩卷五

漢孔氏傳

鄭氏箋

明馬應龍

孫開校

大雅

文王之什 詒訓傳第二十三

文王文王受命作周也

箋受命受天命而王天下制立周邦

文王在上於昭于天

上呼鐵因切傳在上在民也於歎辭昭見也箋

文王初為西伯有功於民其德著見於天故天命之以為王使君天下也崩諡曰文周

雖舊邦其命維新

傳乃新在文王也箋大王

起矣而未有天命至文王而受命言新者美之也

有周不顯帝命不

時

叶上紙切傳有周周也不顯顯也顯光也

明矣天命之不

文王陟降在帝左右

叶羽軌切傳言

文王升接天下接人也箋在察也文

王能觀知天意順其所為從而行之

王令聞不已陳錫哉周侯文王孫子文王孫

子本支百世

傳疊疊勉也哉載侯維也本本

君也勉勉乎不倦文王之勤用明德也其善聲聞日見稱歌無止時也乃由能敷恩惠之

施以受命造始周國故天下君之其

凡周之

士不顯亦世

傳不世顯德乎也者世祿也箋

者亦得世世在位重其功也

世之不顯厥猶翼翼思皇多

士生此王國

叶于通切王國克生維周之楨

敬思辭也皇天楨幹也箋猶謀思願也周之臣既世世光明其為君之謀事忠敬翼翼然

又願天多生賢人於此邦此邦能生之則是我周家幹事之臣

濟濟多士文

王以寧

傳濟濟多威儀也

穆穆文王於緝熙敬止假

哉天命有商孫子

傳穆穆美也緝熙光明也假固也箋穆穆乎文王有

天子之容於美乎又能敬其光明之德堅固哉天為此命之使臣有殷之子孫商之

孫子其麗不億上帝既命侯于周服叶蒲北切傳麗

數也盛德不可為衆也箋于於也商之孫子其數不徒億多言之也至天已命文王之後

乃為君於周之九服之中言衆之不如德也侯服于周天命靡常

傳則見天命之無常也箋無殷士膚敏裸將

于京叶居良切厥作裸將常服黼皐傳殷士殷侯也膚美敏疾

也裸灌鬯也周人尚臭將行京大也黼白與黑也皐殷冠也夏后氏曰收周曰冕箋殷之

臣壯美而敏來助周祭其助祭自服殷之服明文王以德不以彊王之蓋臣

無念爾祖傳蓋進也無念念也箋今王之進用臣當念女祖為之法王斥成王

無念爾祖聿修厥德永言配命自求多福傳聿述永長言我也我長配天命而行爾庶

國亦當自求多福箋長猶常也王既述修祖德常言當配天命殷之未喪師克配上帝傳

而行則福祿自來乙巳上也箋師衆也殷自紂父之前未喪天下之時皆能配天而行故不忘也宜鑒

于殷駿命不易傳駿大也箋宜以殷王賢愚為鏡天之大命不可改易

命之不易無遏爾躬叶昆宣昭義問有虞殷自

天叶鐵因切傳遏止義善虞度也箋宣徧有又也天之命已不可改易矣當使子孫

長行之無終女身則止徧明以禮義問老上  
成人又度殷所以順天之事而施行之

天之載無聲無臭叶丑切儀刑文王萬邦作孚

叶浮傳載事刑法孚信也箋天之道難知也  
耳不聞聲音鼻不聞香臭儀法文王之事則

天下咸信而順之

### 文王七章章八句

大明文王有明德故天復命武王也箋二聖相

承其明德日以廣大故曰大明

明明在下赫赫在上叶辰羊切傳明明察也  
文王之德明明於下故

赫赫然著見於天箋明明者文王武王施明德於天下其徵應炤哲見於天謂三辰效驗

天難忱斯不易維王天位殷適使不挾四方

傳忱信也紂居天位而殷之正適也挾達也  
箋天之意難信矣不可改易者天子也今紂

居天位而又殷之正適以其為惡乃棄絕之  
使教令不行於四方四方共叛之是天命無

常維德是予耳言此者厚美周也摯仲氏任自彼殷商來嫁

于周曰嬪于京叶居良切乃及王季維德之行叶

傳摯國任姓之中女也嬪婦京大也王季大王之子文王之父也箋京周國之地小別名

也及與也摯國中女曰大任從殷周之畿內  
嫁為婦於周之京配王季而與之共行仁義

之德同  
志意也  
大任有身生此文王  
傳大任中任也

懷孕  
也  
維此文王小心翼翼昭事上帝聿懷多

福  
傳厥德不回以受方國  
傳于逼切傳回違

慎貌昭明聿述懷思也方國四方來  
附者此言文王之有德亦由父母也  
天監在

下有命既集  
傳文王初載天作之合在洽

之陽在渭之涘  
傳集就載識合配也治水也

惡於下其命將有所依就則豫福助之於文  
王生適有所識則為之生配於氣勢之處使

必有賢才  
謂生大妣  
文王嘉止大邦有子  
傳嘉美也

之賢則美之曰大邦有  
子女可以為妃乃求昏  
大邦有子倪天之妹

傳倪聲也  
知大妣之賢尊之如天之有女弟  
又文定厥

祥  
傳言大妣之有文德也祥善也  
後卜而得吉則文王以禮定其吉祥謂使

納幣  
也  
親迎于渭  
傳言賢聖之配也

舟為梁不顯其光  
傳言受命之宜王基乃始

舟大夫方舟士特舟造舟然後可以顯其光  
輝箋迎大妣而更為梁者欲其昭著示後世

敬昏禮也不明乎其禮之有光輝美之  
也天子造舟周制也殷時未有等制  
有命

自天命此文王于周于京  
傳文王居

續女維莘長

子維行

叶杭傳續繼也莘大妣國也長子長女也維行大任之德焉箋天為將命

文王君天下於周京之地故亦為作合使繼大任之女事於莘國莘國之長女大妣則配

文王維德之行篤生武王保右命爾燮伐大商傳篤厚右

助燮和也箋天降氣于大妣厚生聖子武王安而助之又遂命之爾使協和伐殷之事協

和伐殷之事謂合位三五也殷商之旅其會如林矢于牧

野維予侯興

叶歆傳旅眾也如林言眾而不為用也矢陳興起也言天下之

望周也箋殷盛合其兵眾陳于商郊之牧野而天乃予諸侯有德者當起為天子言天去

紂周師勝也上帝臨女無貳爾心傳言無敢懷貳心也箋臨視也

女女武王也天護視女伐紂必克無有疑心牧野洋洋檀車煌煌

駟驪彭彭

叶旁傳洋洋廣也煌煌明也駟馬白腹曰驪言上周下殷也箋言其

戰地寬廣明不用權詐也兵車鮮明馬又強則暇且整維師尚父時維

鷹揚涼彼武王

傳師大師也尚父可尚可父鷹揚如鷹之飛揚也涼佐也

箋尚父呂望也尊稱焉鷹鷲鳥也佐武王者為之上將肆伐大商會朝

清明

叶茫傳肆疾也會甲也不崇朝而天下清明傳肆故今也會合也以天期已至

兵甲之強師率之武故今伐殷合兵以清明書牧誓曰時甲子昧爽武王朝至于商郊牧

野乃誓

大明八章四章章六句四章章八句

縣文王之興本由大王也

縣縣瓜歿民之初生自土沮漆

傳興也縣縣不絕貌瓜紹

也歿灼也民周民也自用土居也沮水漆水也箋瓜之本實繼先歲之瓜必小狀似灼故

謂之歿縣縣然若將無長大時興者喻后稷乃帝嚳之胄封於郃其後公劉失職遷於豳

居沮漆之地歷世亦縣縣然至大王而德益盛得其民心而生王業故本周之興云于沮

漆也古言久也亶父字或殷以名言質也古

傳古

也古言久也亶父字或殷以名言質也古公處豳狄人侵之事之以皮幣不得免焉事

之以犬馬不得免焉事之以珠玉不得免焉乃屬其耆老而告之曰狄人之所欲吾土地

吾聞之君子不以其所養人而害人二三子何患無君去之踰梁山邑乎岐山之下豳人

曰仁人之君不可失也從之如歸帝陶其土而復之陶其壤而穴之室內曰家未有寢廟

亦未敢有家室箋古公據文王本其祖也諸侯之臣稱君曰公復者復於土上鑿地曰穴

皆如陶然本其在豳時也傳古公亶父來朝自古公處豳而下為二章發

走馬叫率西水許至于岐下叫爰及姜女聿

來胥宇傳率循也許水厓也姜女大姜也胥相宇居也箋來朝走馬言其辟惡早

且疾也循西水厓沮漆水測也爰於及與聿自也於是與其妃大姜自來相可居者著大



姜之賢  
知也  
周原  
臚臚  
堇茶如飴  
爰始  
爰謀  
叶謨悲切

爰契我龜  
傳周原沮漆之間也臚臚美也堇菜也茶苦菜也契開也

原周之原地在岐山之南臚臚然肥美其所生菜雖有性苦者其如飴也此地將可居故

於是始與豳人之從已者謀謀從又於  
是契灼其龜而卜之則又從矣  
曰止

曰時築室于茲  
箋時是茲此也卜從則曰可止居於是可作室家於此定

也  
民心  
迺慰迺止迺左迺右  
叶羽軌切  
迺疆迺理迺

宣迺畝  
叶姥罪切  
自西徂東周爰執事  
叶上止切傳慰安爰

於也  
箋時耕曰宣徂往也民心定乃安隱其居乃左右而處之乃疆理其經界乃時耕其

田畝於是從西方而往東之人皆於周執事競出力也幽與周原不能為西東據至時從

水許  
言也  
乃召司空乃召司徒俾其室家  
叶姑箋俾使也

司空司徒卿官也司空掌營國邑司徒掌徒役之事故召之使立室家之位處其繩

則直縮版以載  
叶子息切  
作廟翼翼  
傳言不失繩直也乘謂之

縮君子將營宮室宗廟為先廡庫為次居室為後  
箋繩者營其廣輪方制之正也既正則

以索縮其築版上下相承而起廟成  
則嚴顯翼翼然乘聲之誤當為繩也  
揀之陜

陜度之薨薨築之登登削屨馮馮  
傳揀藁也

度居也言百姓之勸勉也登登用力也削牆

鍛屨之聲馮馮然  
揀桴也度猶投也築牆

者桴聚壤土盛之百堵皆與馨鼓弗勝傳皆

以蘖而投諸版中馨大鼓也長一丈二尺或馨或鼓言勸事樂

不能止之使休息也凡大鼓之側有小鼓

謂之應鼙朔鼙周禮曰以馨鼓鼓役事廼

立臯門臯門有伉叶丘廼立應門應門將將

傳王之郭門曰臯門伉高貌王之正門曰應門將將嚴正也美大王作郭門以致臯門作

正門以致應門焉箋諸侯之宮外門曰臯門

朝門曰應門內有路門天子之宮加以庫雉

廼立冢土戎醜攸行叶伉傳冢大戎大醜衆

動大衆必先有事乎社而後出謂之宜美大王之社遂為大社也箋大社者出大衆將所

告而行也春秋傳肆不殄厥愠亦不隕厥問

曰蜃宜社之肉傳肆故今也愠恚隕墜

柞械拔矣行道兌矣傳肆故今也愠恚隕墜

問柞櫟也械白楸也文王見太王立冢土有

用大衆之義故不絕去其恚惡惡人之心亦

不廢其聘問鄰國之禮今以柞械生柯葉之

時使大夫將師旅出聘問其行道士衆兌然

不有征混夷駮矣維其喙矣傳駮突喙困也

傳皆

俱也

也

也

也

也

也

也

也

也

也

也

也

也

也

也

也

也

謂曰西伯仁人也蓋往質焉乃相與朝周入其竟則耕者讓畔行者讓路入其邑男女異路班白不提挈入其朝士讓為大夫大夫讓為卿二國之君感而相謂曰我等小人不可以履君子之庭乃相讓以其所爭田為間田而退天下聞之而歸者四十餘國箋虞芮之質平而文王動其縣縣民初予曰有疏附上生之道謂廣其德而王業大

聲予曰有先後

叶下五切

予曰有奔奏

叶下與切

予曰

有禦侮

傳率下親上曰疏附相道前後曰先

後喻德宣譽曰奔奏武臣折衝曰禦侮箋予我也詩人自我也文王之德所以至然者我念之曰此亦由有疏附先後奏奔禦侮之臣力也疏附使疏者親也奔奏使人歸趨之

### 緜九章章六句

棫樸文王能官人也

芄芄棫樸薪之楨之

傳興也芄芄木盛貌棫白桤也樸枹木也楨積

也山木茂盛萬民得而薪之賢人眾多國家得用蕃興箋白桤相樸屬而生者枝條芄芄然豫所以為薪至祭皇天上

濟濟辟王左右

趣

叶此之傳趨趨也箋辟君也君王謂文王

於事謂相助積薪濟濟辟王左右奉璋

傳半圭曰

璋箋璋璋瓚也祭祀之禮王裸以圭瓚諸臣助之亞裸以璋瓚奉璋峩峩髦

士攸宜

叶牛何切傳峩峩盛壯也髦俊也箋士卿士也奉璋之儀峩峩然故今俊

士之

所宜 溲彼涇舟烝徒楫

叶之

傳溲舟行貌楫懼也箋烝衆也

溲溲然涇水中之舟順流而行者乃衆徒船人以楫懼之故也興衆臣之賢者行君政令

周王于邁六師及之

傳天子六軍箋于往邁行及與也周王往行謂

出兵征伐也二千五百人為師今王興師行者殷末之制未有周禮五師為軍軍萬二千

五百

倬彼雲漢為章于天

叶鐵因切傳倬大也雲漢天河也箋

雲漢之在天其為文章譬猶天子為法度于天下

周王壽考遐不作

人

傳遐遠也遠不作人也箋周王文王也文王是時九十餘矣故云壽考遠不作人者

其政變化紂之惡俗近如新作人也

追琢其章金玉其相

傳追

金曰彫玉曰琢相質也箋周禮追師掌追衡筭則追亦治玉也相視也猶觀視也追琢玉

使成文章喻文王為政先以心研精合於禮義然後施之萬民視而觀之其好而樂之如

觀金玉然言其政可樂也

勉勉我王綱紀四方

箋我王謂文王也以

網罟喻為政張之為網理之為紀

### 棫樸五章章四句

旱麓受祖也周之先祖世修后稷公劉之

業大王王季申以百福于祿焉

瞻彼旱麓榛桔濟濟傳旱山名也麓山足也

足林木茂盛者得山雲雨之潤澤也豈弟君

子干祿豈弟傳干求也言陰陽和山藪殖故

大王王季以有樂易之德施於民故其求祿亦得樂易瑟彼玉瓚黃流

在中傳玉瓚圭瓚也黃金所以飾流鬯也九

命然後錫以秬鬯圭瓚瑟潔鮮貌黃

流拒鬯也圭瓚之狀以圭為柄黃金為勺青

金為外朱中央矣殷王帝乙之時王季為西

伯以功德受此賜豈弟君子福祿攸降傳胡公切箋

受此賜鸛飛戾天傳鸛鳥也魚躍于淵傳言上

下察也箋鸛鳥鳴之

類鳥之貪惡者也飛而至天喻惡人遠去豈

不為民害也魚跳躍于淵中喻民喜得所

弟君子遐不作人箋遐遠也言太王王季之

德近於變化使如新作人

清酒既載叶子騂牡既備叶蒲北切傳言年

謂已在尊中也祭祀之事先以享以祀叶逸

為清酒其次擇牲故舉二者以介景福叶偏傳言祀所以得

福也箋介助景大也瑟彼柞棫民

所燎矣傳瑟眾貌箋柞棫之所以茂盛者乃

人熯燎除其旁草養治之使無害也

豈弟君子神所勞矣箋勞勞來莫莫葛藟施

于條枚傳莫莫施貌箋葛也藟也延蔓於木

之枝木而茂盛喻子孫依緣先人之

功而起豈第君子求福不回違先祖之道

### 旱麓六章章四句

思齊文王所以聖也言非但天性德有所由成

思齊大任文王之母思媚周姜京室之婦齊傳

莊媚愛也周姜大姜也京室王室也箋京周地名也常思莊敬者大任也乃為文王之母

又常思愛大姜之配大王之禮故能為京室之婦言其德行純備故生聖子也大姜言周

大任言京見其謙恭自卑小也大姒嗣徽音則百斯男心切

傳大姒文王之妃也大姒十子眾妾則宜百子也箋徽美也嗣大任之美音謂續行其善

教令惠于宗公神罔時怨神罔時恫傳宗公宗神也恫痛

也箋惠順也宗公大臣也文王為政咨於大臣順而行之故能當於神明神明無是怨恚

其所行者無是痛傷其刑于寡妻至于兄弟

以御于家邦叶悲工切傳刑法也寡妻適妻也御迎也箋寡妻寡有之妻言

賢也御治也文王以禮法接待其妻至于宗族以此又能為政治于家邦也書曰乃寡兄

勗又曰越雝雝在宮肅肅在廟傳雝雝和也肅肅敬也箋

宮謂辟廱宮也羣臣助文王養老則不顯亦

臨無射亦保叶鮑傳以顯臨之保安無厭也

辟靡也有賢才之質而不明者亦得觀於禮於六藝無射才者亦得居於位言養善使之積小致高大傳肆故今也肆戎疾不殄烈假不瑕傳肆故今也

大疾害人者不絕之而自絕也烈業假大也箋厲假皆病也瑕已也文王於辟靡德如此故大疾害人者不絕之而自絕為厲假傳不聞之行者不已之而自已言化之深也

亦式不諫亦入傳言性與天合也箋式用也文王之祀於宗廟有仁義之

行而不聞達者亦用之助祭有孝悌之行而不能諫爭者亦得入言其使人器之不求備也

肆成人有德小子有造傳造為也箋成人謂大夫士也小子

其弟子也文王在於宗廟德如此故古之人大夫士皆有德子弟皆有所造成

無斃譽髦斯士傳古之人無厭於有名譽之俊士箋古之人謂聖王明君

也口無擇言身無擇行以身化其臣下故令此士皆有名譽於天下成其俊又之美也

思齊五章二章章六句三章章四句鄭作

四章章六句

皇矣美周也天監代殷莫若周周世世修

德莫若文王箋監視也天視四方可以伐殷王天下者維有周爾世世

修行道德維有文王盛爾

皇矣上帝臨下有赫叶監觀四方求民之莫

傳皇大莫定也。箋：臨視也大矣。天之視天下，赫赫甚明。知殷紂之暴亂，乃監察天下之衆，國求民之定。謂所歸就也。維此二國，其政不獲。勻：維彼四

國爰究爰度。

傳：二國，殷夏也。彼彼，有道也。四國，四方也。究，謀度居也。箋：二國，謂今殷紂及崇侯也。正長，獲得也。四國，謂密也。阮也。但也。共也。度亦謀也。殷崇之君，其行

君於，是又助之謀言同於惡也。上帝耆之憎。

其式廓乃眷西顧，此維與宅。

叶：達各切。傳者，老也。廓，大也。憎，

其用大位行大政，顧顧西土也。宅，居也。箋：耆，老也。天須假此二國養之，至老猶不變。改，憎其所用為惡者，浸大也。乃眷，然運視西顧見文王之德而與之居。言天意常在文王所。

作之屏之，其菑其翳，修之平之，其灌其柵，啓

之辟之，其檉其楛。

叶：據。攘之，剔之。其，麋其柘。

故切。傳：木立死曰菑，自斃為翳。灌，叢生也。柵，柵也。檉，河柳也。楛，楛櫟也。麋，山桑也。箋：天既顧文王四方之民，則大歸往之岐周之地，險隘多樹木，乃競刊除而自居處。言樂就有德之甚。帝遷明德，串夷載路。

傳：徙就文王之德也。串，夷即混夷，西戎國名也。路，應也。天意去殷之惡，就周之德。文王則侵伐混夷以應之。

天立厥配，受命既固。

傳：配，嬖也。箋：天既顧文王，又為之生賢妃，謂大

嬖也。其受命之道已堅固也。帝省其山，柞棫斯拔，松柏斯



兌傳兌易直也兌省善也天既顧文王乃和其國之風雨使其山樹木茂盛言非徒養

其民人而已帝作邦作對自大伯王季傳對配也

見王季也箋作為也天為邦謂與周國也作配謂為生明君也是乃自大伯王季時則然

矣大伯讓於王季而文王起維此王季因心則友叶羽切則

友其兄叶虛切則篤其慶叶載錫之光傳因親也善兄

弟曰友慶善光大也箋篤厚載始也王季之心親親而又善於宗族又尤善於兄大伯乃

厚明其功美始使之顯著也大伯以讓為功美王季乃能厚明之使傳世稱之亦其德也

受祿無喪叶平聲奄有四方傳喪亡奄大也箋

友之德故世世受福維此王季帝度其心貊

其德音其德克明克明克類克長克君傳心能制

義曰度貊靜也箋德正應和曰貊照臨四方曰明類善也勤施無私曰類教誨不倦曰長

賞慶刑威曰君王此大邦克順克比傳慈和徧服曰

比箋王君也王季稱王追王也比于文王其德靡悔叶虎猥切傳經

緯天地曰文箋靡無也王季之德比于文王無有所悔也必比於文王盛德以聖人為匹

既受帝祉施于孫子箋帝天也祉福也施猶易也延也帝謂

文王無然畔援無然歆美誕先登于岸叶魚切

詩卷五

傳無是畔道無是援取無是貪美岸高位也  
箋畔援猶跋扈也誕大登成岸訟也天語文  
王曰女無如是跋扈者妄出兵也無如是貪  
美者侵人土地也欲廣大德美者當先平獄

訟正曲直也 密人不恭敬距大邦工切侵阮徂共

傳國有密須氏侵阮遂往侵共箋阮也徂也  
共也三國犯周而文王伐之密須之人乃敢

距其義兵違正道是不直也 王赫斯怒叶上聲爰整其旅以

按徂旅以篤于周祐以對于天下叶虎傳旅師按止也

旅地名也對遂也箋赫怒意斯盡也五百人  
為旅對答也文王赫然與其羣臣盡怒曰整

其軍旅而出以却止徂國之兵眾以  
厚周當王之福以答天下鄉周之望 依其在

京叶居良切侵自阮疆陟我高岡無矢我陵我陵

我阿無飲我泉我泉我池叶唐何切傳京大阜也矢陳也箋京

周地名陟登也矢猶當也大陵曰阿文王但  
發其依居京地之眾以往侵阮國之疆登其

山脊而望阮之兵兵無敢當其陵及阿者又  
無敢飲食於其泉及池水者小出兵而今驚

怖如此此以德攻不以眾也陵泉重言者  
美之也每言我者據後得而有之而言 度

其鮮原居岐之陽在渭之將萬邦之方下民

之王傳小山別大山曰鮮將側也方則也箋

兵不見敵知已德盛而威行可以遷居定天  
下之心乃始謀居善原廣平之地亦在岐山

之南居渭水之側為萬國之所嚮作下民之君後竟徙都於豐帝謂文王予

懷明德不大聲以色不長夏以革不識不知

順帝之則傳懷歸也不以大聲見於色革更也

之言云我謂人君有光明之德而不虛廣言語以外作容貌不長諸夏以變更王法者其

為人不識古不知今順天之法而行帝謂文

王詢爾仇方同爾兄弟以爾鉤援與爾臨衝

以伐崇墉傳仇匹也鉤鉤梯也所以鉤引上

箋詢謀也怨耦曰仇仇方謂旁國諸侯為暴亂大惡者女當謀征討之以和協女兄弟之

國率與之往親親則志齊心一也當此臨衝之時崇侯虎倡紂為無道罪尤大也

閑閑崇墉言言執訊連連攸馘安安是類是

馮是致是附叶上四方以無侮傳閑閑動搖也連連徐也攸所也馘獲也不服者殺而獻

其左耳曰馘於內曰類於野曰馮致致其社稷羣神附附其先祖為之立後尊其尊而親

其親箋言言猶孽孽將壞貌訊言也執所生

得者而言問之及獻所馘皆徐徐以禮為之不尚促速也類也馮也師祭也無侮者文王

伐崇而無復臨衝弗弗崇墉仡仡是伐是肆

是絕是忽叶虛四方以無拂傳弗弗疆盛也

肆疾也忽滅也箋伐謂擊刺之肆犯突也春秋傳曰使勇而無剛者肆之拂猶倓也言無復倓戾文王者

### 皇矣八章章十二句

靈臺民始附也文王受命而民樂其有靈

德以及鳥獸昆蟲鳥

箋民者冥也其見仁道遲故於是乃附也

天子有靈臺者所以觀祲象察氣之妖祥也文王受命而作邑于豐立靈臺春秋傳曰公既視朔遂登觀臺以望而書雲物為備故也

經始靈臺經之營之庶民攻之不日成之傳神

之精明者稱靈四方而高曰臺經度之也攻作也不日有成也箋文王應天命度始靈臺之基趾營表其位眾民則築作不設期日而成之言說文王之德勸其事忘已勞也觀臺而曰靈者文王化行以經始勿亟庶民子來神之精明故以名焉

叶六直切箋亟急也度始靈臺之基趾非有急成之意眾民各以子成父事而來攻之

王在靈囿

叶育鹿鹿攸伏

傳囿所以域養禽獸也天子百里諸侯四

十里靈囿言靈道行於囿也鹿牝也箋攸所也文王親至靈囿視牝鹿所遊伏之處言愛

物也鹿鹿濯濯白鳥翯翯

傳濯濯娛遊也翯翯肥澤也箋鳥獸肥盛

喜樂言王在靈沼

叶灼於物魚躍

傳沼池也靈沼言靈道行

於沼也物滿也箋靈沼之水魚虞業維樅賁

鼓維鏞於論鼓鐘於樂辟靡傳植者曰虞橫

也樅崇牙也賁大鼓也鏞大鐘也論思也水

旋丘如壁曰辟靡以節觀者箋論之言倫也

虞也拘也所以懸鐘鼓也設大版於上刻畫

以為飾文王立靈臺而知民之歸附作靈囿

靈沼而知鳥獸之得其所以為音聲之道與

政通故合樂以詳之於得其倫理乎鼓與鐘

也於喜樂乎諸在辟靡於論鼓鐘於樂辟靡

中者言感於中和之至

鼉鼓逢逢矇眊奏公傳鼉魚屬逢逢和也有

子曰矇公事也箋

凡聲使瞽矇為之

### 靈臺五章章四句

下武繼文也武王有聖德復受天命能昭

先人之功焉箋繼文者繼文王之

下武維周世有哲王傳武繼也箋下酒後也

者維有周家最大世世益有明知三后在天

之王謂大王王季文王稍就盛也

王配于京傳居良切傳三后大王王季文王

精氣在天矣武王又能配王配于京世德作

行其道于京謂鎬京也

求箋作為求終也武王配行三后之道於鎬

京者以其世世積德庶為終成其大功

永言配命成王之孚

叶浮箋永長言我也命猶教今也孚信也此為

武王言也今長我之配行三后之教今者欲成我周家王道之信也王德之道成於信論語曰民無信不立成王之孚下土之式

天下以為法勤行之永言孝思孝思維則

心之所思所思者其維則三后之所行子孫以順祖考為孝媚茲一人應

侯順德

傳一人天子也應當侯維也箋媚愛能成其祖考之功也易曰君子以順德積小以高大永言孝思昭哉嗣

服

叶蒲北切箋服事也明哉武王之昭茲來

許繩其祖武

傳許進繩戒武迹也箋茲此來道戒慎其祖考所履於萬斯年受天之祜

踐之迹美其終成之於萬斯年受天之祜

福也天下樂仰武王之德欲其壽考之言也受天之祜四方來賀

於萬斯年不遐有佐

傳遠夷來佐也箋武王佐言其輔佐之臣亦宜蒙其餘福也書曰公其以予萬億年亦君臣同福祿也

下武六章章四句

文王有聲繼伐也武王能廣文王之聲卒

其伐功也

文王有聲通駿有聲通求厥寧通觀厥成箋

述駿大求終觀多也文王有令聞之聲者乃述行有令聞之聲之道所致也所述者謂太

王王季也又述行終其安民之道又述行多其成民之德言周德之世益盛文王

烝哉傳烝君也箋君哉者言其誠得人君之道文王受命有此武

功既伐于崇作邑于豐箋武功謂伐四國及崇之功也作邑者徙

都于豐以應天命文王烝哉築城伊滅作豐伊匹匪

棘其欲通追來孝傳滅成溝也匹配也箋方

各八尺棘急來勤也文王受命而猶不自足築豐邑之城大小適與城偶大於諸侯小於

天子之制此非以急成從已之欲欲廣都邑乃述追王王季勤孝之行進其業也王后

烝哉傳后君也箋變諡言王后者非其盛事不以義諡王公伊濯維

豐之垣四方攸同王后維翰叶胡干切傳濯

事也文王述行大王王季之王業其事益大作邑於豐城之既成又垣之立宮室乃為天

下所同心而歸之王后為之幹者正其政教定其法度王后烝哉豐水

東注維禹之績四方攸同皇王維辟傳績業

箋績功辟君也昔堯時洪水而豐水亦汎濫為害禹治之使入渭東注于河禹之功也文

王武王今得作邑於其旁地為天下所同心而歸大王為之君乃由禹之功故引美之豐

一

邑在豐水之西鎬鎬在豐水之東皇王烝哉箋變王后言大王者武王之事

又益鎬京辟靡自西自東自南自北無思不

服叶蒲北切傳武王作邑於鎬京箋自由也武王於鎬京行辟靡之禮自四方來觀者

皆感化其德心無不歸服者皇王烝哉考卜維王宅是鎬

京叶居良切維龜正叶征之武王成之箋考猶稽也宅居也稽疑

之法必契灼龜而卜之武王卜居是鎬京之地龜則正之謂得吉兆武王遂居之修三后

之德以伐紂定天下成龜兆之占功莫大於此武王烝哉豐水有芑

武王豈不仕詒厥孫謀以燕翼子傳芑草也仕事燕及

翼敬也箋詒猶傳也孫順也豐水猶以其潤澤生草武王豈不以其功業為事乎以之為

事故傳其所以順天下之謀以安其敬事之子孫謂使行之也書曰厥考翼其肯曰我有

後弗棄基武王烝哉傳上言皇王而變言武王者皇大也始大其業至武王伐

紂成之故言武王也

### 文王有聲八章章五句

### 文王之什十篇六十六章四百一十四

句

### 生民之什詒訓傳第二十四



生民尊祖也后稷生於姜嫄文武之功起於后稷故推以配天焉

厥初生民時維姜嫄

叶虞雲切傳生民本后稷也姜姓也后稷之母

配高辛氏帝馬箋厥其初始時是也言周之始祖其生之者是姜嫄也姜姓者炎帝之後有女名嫄當堯之時為高辛氏之世妃本后稷之初生故謂之生民生民如何

克禋克祀以弗無子

傳禋敬弗去也去無子求有子古者必立郊禩

馬玄鳥至之日以大牢祠于郊禩天子親往后妃率九嬪御乃禮天子所御帶以弓鞬授以弓矢于郊禩之前箋克能也弗之言被也姜嫄之生后稷如何乎乃禋祀上帝於郊禩

以被除其無子之疾而得其福也能者言齊肅當神明意也二王之後得用天子之禮

履帝武敏

叶母鄙切

歆攸介攸止載震載夙

叶相即切

載生載育

叶曰逼切

時維后稷

傳履踐也帝高辛氏之帝也武迹敏

疾也從於帝而見于天將事齊敏也歆饗介大攸止福祿所止也震動夙早育長也后稷播百穀以利民箋帝上帝也敏拇也介左右也夙之言肅也祀郊禩之時時則有大神之迹姜嫄履之足不能滿履其拇指之處心體

歆歆然其左右所止住如有人道感已者也於是遂有身而肅戒不復御後則生子而誕養長名之曰棄舜臣堯而舉之是為后稷誕

彌厥月先生如達

傳誕大彌終達生也姜嫄之子先生者也箋達羊子

也大矣后稷之在其母終人道不拆不副叶

十月而生生如達之生言易也叶遍無蓄無害叶病生則拆副蓄害其母橫逆人

道以赫厥靈上帝不寧不康禋祀叶居然

生子傳赫顯也不寧寧也不康康也箋康寧

靈審矣此乃天帝之氣也心猶不安之又安徒以禋祀而無人道居默然自生子懼時

人不誕寘之隘巷牛羊腓字之傳誕大寘置

天生后稷異之於人欲以顯其靈也帝不順天是不明也故承天意而異之於天下箋天

異之故姜嫄置后稷於誕寘之平林會伐平牛羊之徑亦所以異之

林傳牛羊而辟人者理也置誕寘之寒冰鳥

覆翼之傳大鳥來一翼覆之一翼藉之人而

鳥乃去矣后稷呱叶矣傳於是知有天異

而泣實覃實訐叶厥聲載路誕實匍匐克

岐克嶷以就口食傳覃長訐大路大也岐知

也覃謂始能坐也訐謂張口嗚呼也是時聲音則已大矣能匍匐則岐岐然意有所知也

其貌嶷嶷然有所識別也以此至蓺之荏菽于能就眾人口自食謂六七歲時

荏菽旆旆禾役稌稌麻麥幪幪瓜瓞嗶嗶傳

菽戎也旃旃然長也役列也穰穰苗好美也  
幪幪然盛茂也嗒嗒然多實也箋藝樹也戎  
菽大豆也就口食之時則誕后稷之穡有相

之道叶當口切傳相助也箋大矣后稷之掌

第厥豐草叶此種之黃茂口切實方實苞

苟實種實稔叶徐實發實秀實堅實好

叶許實穎實栗即有邰家室傳第治也黃嘉

極畝也苞本也種雜種也稔長也發盡發也

不榮而實曰秀穎垂穎也栗其實栗然邰  
姜嫄之國也堯見天因邰而生后稷故國后  
稷於邰命使事天以顯神順天命耳箋豐苞

亦茂也方齊等也種生不雜也稔枝葉長也

發發管時也粟成就也后稷教民除治茂草

使種黍稷黍稷生則茂好熟則大成以此成

功堯改封於邰就其成國之家室無變更也

誕降嘉種維秬維秠維糜維芑傳天降嘉種

一稗二米也糜赤苗也芑白苗也箋恒之秬

天應堯之顯后稷故為之下嘉種

秠是穫是畝叶姥恒之糜芑是任是負

以歸肇祀叶養里切傳恒徧肇始也始歸郊

后稷以天為已下此四穀之故則徧種之成  
熟則穫而畝計之抱負以歸於郊祀天得祀  
天者二王誕我祀如何或春或揄或簸或蹂  
之後也

釋之叟叟烝之浮浮

傳榆抒白也或簸糠者或蹂烝者釋浙米也叟

叟聲也浮浮氣也箋蹂之言潤也

大矣我后稷之祀天如何乎美而將說其事也春而抒

出之簸之又潤濕之將復春之趣於

載謀載

惟取蕭祭脂取羝以較

叶蒲

載燔載烈

叶力

傳嘗之日涖上來歲之芟獮之日涖上來歲

之戒社之日涖上來歲之稼所以與來而繼

往也穀熟而謀陳祭而卜矣取蕭合烝稷臭

達牆屋先奠而後蕪蕭合馨香也羝羊牡羊

也較道祭也傳火曰燔貫之加于火曰烈箋

惟思也烈之言爛也后稷既為郊祀之酒及

其米則諏謀其日思念其禮至其時取蕭草

與祭牲之脂蕪之於行神之位馨香既聞取

羝羊之體以祭神又燔烈其

以與嗣歲

傳與

肉為尸羞焉自此而往郊

繼往歲也箋嗣歲今新歲也以先歲之物齊

敬祀較而祀天者將求新歲之豐年也孟春

之月令曰乃擇元

始升上帝居歆胡臭亶時

叶上紙切傳印我

豆薦菹醢也登大羹也箋胡之言何也亶誠

也我后稷盛菹醢之屬當于豆者于登者其

馨香始上行上帝則安而歆饗之何芳臭之

誠得其時乎美之也祀天用瓦豆陶器質也

后稷肇祀

叶養

庶無罪悔

叶虎

以迄于今

傳迄

至也箋庶衆也后稷肇祀上帝於郊而天下

衆民咸得其所無有罪過也子孫蒙其福以

至于今故推以配天焉

### 生民八章四章章十句四章章八句

行葦忠厚也周家忠厚仁及草木故能內

睦九族外尊事黃耆養老乞言以成其福

祿焉

箋九族自巳上至高祖下至玄孫之親也黃黃髮也耆凍梨也乞言從求善言可以為政者敦史受之

敦彼行葦牛羊勿踐履方苞方體維葉泥泥

傳敦聚貌行道也葉初生泥泥箋苞茂也體成形也敦敦然道傍之葦牧牛羊者母使躐

履拆傷之草物方茂盛以其終將為人戚戚用故周之先王為此愛之况於人乎

兄弟莫遠具爾或肆之筵或授之几

傳戚戚內相親

也肆陳也或陳筵者或授几者箋莫無也具猶俱也爾謂進之也王與族人燕兄弟之親

無遠無近俱揖而進之年稚者為設筵而已老者加之以几

肆筵設席授

几有緝御

叶迓傳設席重席也緝御躡踏之容也箋緝猶續也御侍也兄弟之

老者既為設重席授几又有相續代而侍者謂敦史也

或獻或酢洗爵

奠斝

叶居訝切傳斝爵也夏曰醖殷曰斝周曰爵箋進酒於客曰獻客答之曰酢主

人又洗爵醕客客受而奠之

醢醢以薦或燔

或炙

叶職略切

嘉穀脾臄或歌或罍

傳以肉曰醢臄臄函也歌

者比於琴瑟也徒擊鼓曰罍箋薦之禮非菹則醢醢也燔用肉炙用肝以脾函為加故謂

之敦弓既堅

叶古因切

四鍤既鈞舍矢既均

傳敦

弓也天子敦弓鍤矢參亭已均中執箋舍之言釋也藝質也周之先王將養老先與羣臣

行射禮以擇其可與者以為賓序賓以賢

叶下珍切傳言賓客次第皆賢孔子

射於矍相之圃觀者如堵牆射至於司馬使子路執弓矢出延射曰奔軍之將亡國之大

夫與為人後者不入其餘皆入蓋去者半入者半又使公罔之裘序點揚觶而語曰幼壯

孝弟者耆好禮不從流俗修身以俟死者不在此位蓋去者半處者半序點又揚觶而語

曰好學不倦好禮不變耆勤稱道不亂者不在此位也蓋僅有存焉箋序賓以賢謂以射

中多少為次第敦弓既句既挾四鍤

傳天子之弓合禮摺三挾一个言已四鍤如樹

叶上圭切傳言皆中也

挾四鍤則已徧釋之序賓以不侮

傳言其皆有賢才也箋不侮者敬也其人敬於禮則射多中

曾孫維主酒醴維醑酌以大斗

叶腹庾切以祈黃

考叶果五切傳曾孫成王也醑厚也大斗長三尺也祈報也箋祈告也今我成王承先

王之法度為主人亦既序賓矣有醇厚之酒醴以大斗酌而嘗之而美故以告黃耆之人

徵而養之也飲酒之禮黃耆台背以引

以翼傳台背大老也引長翼敬也箋台之言

來也以禮引之以禮翼壽考維祺以介景福

之在前曰引在旁曰翼叶偏傳祺吉也箋介助也養老人而得吉所以助大福也

行葦七章二章章六句五章章四句鄭作

八章章四句

既醉太平也醉酒飽德人有士君子之行

馬箋成王祭宗廟旅疇下徧羣臣至于無算爵故云醉馬乃見十倫之義在意云

滿是謂之飽德

既醉以酒既飽以德傳既者盡其禮終其事

施惠先後及君子萬年介爾景福傳既者盡其禮終其事

也介助景大也成王女有萬年之壽歸俎之類既醉以酒

爾殽既將傳將行也箋爾女也殽謂牲體也

行君子萬年介爾昭明叶茫箋昭明有融高

朗令終傳融長朗明也始於饗燕終於享祀

道又使之長有高明之譽而善名終是其長也今終有傲公尸嘉

告傳傲終也公尸天子以卿言諸侯也箋傲猶厚也既始有善令終又厚之公尸以善

言告之謂嘏辭也諸侯有功德者入其告維為天子卿大夫故云公尸公君也

**何籩豆靜嘉**叶居何切傳恒豆之俎水草之

和也其醢陸產之物也加豆陸產也其醢水物也籩豆之薦水土之品也不

敢用常褻味而貴多品所以交於神明者言

道之偏至也籩公尸所以善言告之是何故

乎乃用籩豆之物潔清而美政平氣和所致

故朋友攸攝攝以威儀叶俄傳言相攝佐者

也羣臣同志好者也言成王之臣皆有仁孝

士君子之行其所以相攝佐威儀之事**威**

**儀孔時**叶上切**君子有孝子**籩孔甚也言成王

宜皆君子之人**孝子不匱永錫爾類**傳匱竭

有孝子之行**錫祚胤**叶引傳胤嗣也籩永長也成王女有

萬年之壽天又長予女福祚至于子

孫**其胤維何天被爾祿**傳祿福也籩天子女

乎天覆被女以祿**君子萬年景命有僕**傳僕

位使祿福天下**其僕維何**傳僕

箋成王女既有萬年之壽天之大大**其僕維何**命又附著於女謂使為政教也

箋永長也孝子之行非有竭極之時長以與

女之族類謂廣之以教道天下也春秋傳曰

穎考叔純孝**其類維何室家之壺**傳壺廣也

也施及莊公**君子萬年永**傳壺之言

相也其與女之族類云何乎室

家先以相相繼已乃及於天下

錫祚胤**錫祚胤**萬年之壽天又長予女福祚至于子

孫**其胤維何天被爾祿**傳祿福也籩天子女

乎天覆被女以祿**君子萬年景命有僕**傳僕

位使祿福天下**其僕維何**傳僕

箋成王女既有萬年之壽天之大大**其僕維何**命又附著於女謂使為政教也

箋永長也**錫祚胤**萬年之壽天又長予女福祚至于子

孫**其胤維何天被爾祿**傳祿福也籩天子女

乎天覆被女以祿**君子萬年景命有僕**傳僕

位使祿福天下**其僕維何**傳僕

箋成王女既有萬年之壽天之大大**其僕維何**命又附著於女謂使為政教也

箋永長也**錫祚胤**萬年之壽天又長予女福祚至于子



生淑媛使為之妃釐爾士女從以孫子箋從隨也天既予女以女而有士行者又使生賢知之子孫以隨之謂傳世也

既醉八章章四句

鳧鷖守成也太平之君子能持盈守成神

祇祖考安樂之也箋君子斥成王也言君子者太平之時則皆然

非獨成王也

鳧鷖在涇公尸來燕來寧傳鳧水鳥也鷖鳧屬太平則萬物衆

多箋涇水名也水鳥而居水中猶人為公尸之在宗廟也故以喻焉祭祀既畢明日又設

禮而與尸燕成王之時尸來燕也其心安不以已實臣之故自嫌言此者美成王事尸之

禮爾酒既清爾殽既馨公尸燕飲福祿來成

傳馨香之遠聞也箋爾者女成王者女酒殽清美以與公尸燕樂飲酒之故祖考以福祿

來成女 鳧鷖在沙叶牛何切公尸來燕來宜傳沙水旁

也宜宜其事也箋水鳥以居水中為常今出在水旁喻祭四方萬物之尸也其來燕也心

自以為為宜亦不以爾酒既多爾殽既嘉叶居何切

已實臣自嫌也傳言酒品齊叶吾何切公尸燕飲福祿來為傳厚為孝

多而殽備矣子也箋為猶助也助成王也 鳧鷖在渚公尸來燕來處傳渚

也。喻祭天地之尸也。以配至尊之故。其來燕

似若止。爾酒既滑。爾殽伊脯。公尸燕飲。福祿

來下。傳虎箋。滑酒之沛者也。天地之尸。鼻鷺

在。濼公尸來燕來宗。傳濼水會也。宗尊也。箋

埋之象。喻祭社稷山川之尸。既燕于宗。福祿

攸降。傳燕也。有尊主人之意。既燕于宗。福祿

宗也。羣臣下及民。盡有祭社之禮。而燕飲焉。

為福祿所下也。今王祭社。又以尸燕福祿之

來。乃重厚也。天子以鼻鷺在。壘公尸來止。熏

熏。傳壘山絕水也。熏熏和說也。箋。壘之言門

也。燕七祀之尸於門戶之外。故以喻其來

也不敢當王之燕禮。故變旨。酒欣欣。燔炙芬

芬。公尸燕飲。無有後艱。傳居銀切。傳。欣欣然

後艱。言不敢多祈也。箋。艱難也。小人之尸。卑

用美酒。有燔炙。可用褻味也。又不能致福祿

但。今王自今無有後艱而已。

鳥鷺五章章六句。假樂嘉成王也。假樂君子。則顯顯。令德宜民。宜人受祿于天。

叫鐵因切傳假嘉也宜民宜人宜安民宜官人也箋顯光也天嘉樂成王有光光之善德

安民官人皆得其保右命叶彌之自天申之并切

傳申重也箋成王之官人也羣臣保右而舉之乃後命用之又用天意申勅之如舜之勅

伯禹伯夷之屬千祿百福子孫千億穆穆皇皇宜

君宜王傳宜君王天下也箋千求也十萬曰億天子穆穆諸侯皇皇成王行顯顯

之今德求祿得百福其子孫亦勤行而求之得祿千億故或為諸侯或為天子言皆相勗

以不愆不忘率由舊章箋愆過率循也成王

失循用舊典之文威儀抑抑德音秩秩無怨章謂周公之禮法

無惡率由羣匹傳抑抑美也秩秩有常也箋抑抑密也秩秩清也成王立

朝之威儀致密無所失教令又清明天下皆樂仰之無有怨惡循用羣臣之賢者其行能

匹耦已受福無疆四方之綱之綱之紀燕及

朋友叶羽軌切傳朋友羣臣也箋成王能為

燕飲常與羣臣非徒樂族人而已百辟卿士媚于天子不解

于位民之攸暨傳暨息也箋百辟畿內諸侯

成王以恩意及羣臣羣臣故皆愛之不媚愛也

解於其職位民之所以休息由此也

假樂四章章六句

公劉召康公戒成王也成王將涖政戒以

民事美公劉之厚於民而獻是詩也箋公劉者

后稷之曾孫也夏之始衰見迫逐遷於豳而有居民之道成王始幼少周公攝政及歸之成王將涖政召公與周公相成王為左右召公懼成王尚幼稚不留意於治民之事故作詩美公劉以深戒之也

篤公劉匪居匪康迺場迺疆迺積迺倉迺裹

餼糧于橐于囊思輯用光傳篤厚也公劉居

迫逐公劉公劉乃辟中國之難遂平西戎而遷其民邑於豳焉迺場迺疆言修其疆場也

迺積迺倉言民事時和國有積倉也小曰橐大曰囊思輯用光言民相與和睦以顯於時也箋厚乎公劉之為君也不以所居為居不以所安為安邠國乃有疆場也乃有積委及倉也安安而能遷積而能散為夏人迫逐已之故不忍鬪其民乃裹糧食於囊橐之中棄其餘而去思在和其民人用

戚揚爰方啓行叶杭傳戚斧也揚鉞也張其

道路去之豳蓋諸侯之從者十有八國馬箋于盾也戈句矛戟也爰曰也公劉之去邠整其師旅設其兵器告其士卒曰為女方開道而行明已之遷非為迫逐之故乃欲全民也

篤公劉于胥斯原既庶既繁既順迺宣而無

永歎傳胥相宣徧也民無長歎猶文王之無

於相此原地以居民民既眾矣既多矣既順

其事矣又乃使之時耕民皆安今之居而無

長歎思其舊時也陟則在巘叶虛切復降在原何以舟

刀叶之維玉及瑤鞞琫容刀傳巘小山別於大

有美德也下曰鞞上曰琫言德有度數也容

刀言有武事也箋陟升降下也公劉之相此

原地也由原而升巘復下在原言反覆之重

居民也民亦愛公劉之如是故進玉瑤容刀

佩之篤公劉逝彼百泉瞻彼溥原迺陟南岡乃

覲于京叶居良切傳溥大覲見也箋逝往瞻

乎公劉之相此原地也往之彼百泉之間視

其廣原可居之處乃升其南山之脊乃見其

可居者於京謂可營立都邑之處京師之野叶于時處處于

時廬旅于時言言于時語語傳是京乃大眾

寄也直言曰言論難曰語箋于於時是也京

地乃眾民所宜居之野也於是處其所當處

者廬舍其賓旅言其所當言語其篤公劉于

所當語謂安民館客施教令也

京斯依叶於蹌蹌濟濟俾筵俾几箋蹌蹌濟

之威儀也俾使也厚乎公劉之居於此京依

而築宮室其既成也與羣臣士大夫飲酒以

樂之羣臣則相使為公既登乃依乃造其曹

劉設几筵使之升坐

執豕于牢酌之用匏

傳實已登席坐矣乃依几矣曹羣也執豕于牢

新國則殺禮也酌之用匏儉以質也箋公劉既登堂負扆而立羣臣適其牧羣搏豕於牢

中以爲飲酒之殺酌酒以匏爲爵言忠敬也食之飲之君之宗之

傳爲之君爲之大宗也箋宗尊也公劉雖去邠國來遷羣臣從而君之尊之猶在邠也

篤公劉既溥既長既景迺岡相其陰陽觀其

流泉傳既景乃岡考於日景參之高岡箋厚

長其南北既以日景定其經界於山之脊觀相其陰陽寒煖所宜流泉浸潤所及皆爲利

民富其軍三單度其隰原徹田爲糧傳三單相襲也

徹治也箋邠后稷上公之封大國之制三軍

以其餘卒爲美今公劉遷於豳民始從之丁夫適滿三軍之數單者無羨卒也度其隰與

原田之多少徹之使出稅以爲國用什一而稅謂之徹魯哀公曰二吾猶不足知之何其徹也度其夕陽豳居允

荒傳山西曰夕陽荒大也箋允信也夕陽者豳之所處也度其廣輪豳之所處信寬大

也篤公劉于豳斯館叶去聲涉渭爲亂取厲取

鍛傳館舍也正絕流曰亂鍛石也箋鍛石所

以爲鍛質也厚乎公劉於豳地作此宮室乃使人渡渭水爲舟絕流而南取鍛厲斧斤之石可以利器用伐取材木給築事也止

基迺理爰衆爰有叶羽切夾其皇澗遡其過澗

傳皇澗名也。遡鄉也。過澗名也。箋爰曰也。止基作宮室之功也。而後疆理其田野。校其夫家人數。日益多矣。器物有足矣。皆布居澗水之旁。止旅乃密。芮鞫之。卽傳密安也。芮水厓也。鞫究也。箋芮之言內也。水之內曰隩。水之外曰鞫。公劉居豳。旣安軍旅之役。止士卒。乃安亦就澗水之內。外而居修田事也。

公劉六章章十句

洞酌召康公戒成王也。言皇天親有德饗有道也。

洞酌彼行潦。挹彼注茲。可以饑饉。叶昌里切。傳洞遠也。

行潦流潦也。饑餽也。饑酒食也。箋流潦水之薄者也。遠酌取之。投大器之中。又挹之注之。於此小器。而可以沃酒食之。饑者以有忠信之德。齊潔之誠。以薦之。故也。春秋傳曰。人不德繫物。唯豈弟君子。民之父母。叶姥罪切。傳樂說安之。民皆有父之尊。有母之親。洞酌彼行潦。挹彼注茲。可

以濯蠱。傳濯滌也。蠱祭器。豈弟君子。民之攸歸。洞酌

彼行潦。挹彼注茲。可以濯漑。叶旣傳。漑清也。豈弟君

子民之攸暨。箋暨息也。

洞酌三章章五句

卷阿召康公戒成王也言求賢用吉士也

箋吉猶善也

有卷者阿飄風自南

叶尼心切傳興也卷曲也飄風迴風也惡人被

德化而消猶飄風之入曲阿也箋大陵曰阿有大陵卷然而曲迴風從長養之方來入之興者喻王當屈體以待賢者賢者則猥來就之如飄風之入曲阿然其來也為長養民

豈弟君子來游來歌以矢其音

傳矢陳也箋王能待賢者

如是則樂易之君子來就王游而歌以陳出其聲音言其將以樂王也感王之善心也

伴奭爾游矣優游爾休矣

傳伴奭廣大有文章也箋伴奭自縱

施之意也賢者既來王以才官秩之各任其職女則得伴奭而優自休息也孔子曰無為而治者其舜也與恭已正南面而已言任賢故逸也

豈弟君子俾爾彌

爾性似先公酋矣

傳彌終也似嗣也酋終也箋俾使也樂易之君子來

在位乃使女終女之性命無困病之憂嗣先君之功而終成之

爾土宇版章

亦孔之厚戶亦矣傳取大也箋土宇謂居民以

者與之為治使居宅民大得其法則王恩惠亦甚厚矣勸之使然

豈弟君子俾爾彌爾性百神爾主矣

箋使女為百神主謂羣神受饗而佐

之爾受命長矣弗祿爾康矣

傳弗小也箋弗福康安也女得



賢者與之承順天地則受  
久長之命福祿又安女  
豈弟君子俾爾彌

爾性純嘏爾常矣  
傳嘏大也箋純大也予福曰嘏使女大受神之福以

為有馮有翼有孝有德以引以翼  
傳有馮有翼道可馮

依以為輔翼也引長翼敬也箋馮馮几也翼助也有孝斥成王也有德謂羣臣也王之祭

祀擇賢者以為尸尊之豫撰几擇佐食廟中有孝子有羣臣尸之入也使祝贊道之扶翼

之尸至設几佐食入助之豈弟君子四方為

尸者神象故事之如祖考則法也王之臣有是樂易之法顯顯印印

如圭如璋令聞令望  
叶二傳顯顯溫貌印印盛貌箋令善也王有賢

臣與之以禮義相切瑳體貌則顯顯然敬順志氣則印印然高朗如玉之圭璋也人聞之

則有善聲譽人望之則豈弟君子四方為綱有善威儀德行相副

箋綱者能張眾目鳳凰于飛翾翾其羽亦集爰止  
傳鳳

鳳靈鳥仁瑞也雄曰鳳雌曰凰翾翾眾多也箋翾翾羽聲也亦與眾鳥也爰于也鳳凰往

飛翾翾然亦與眾鳥集於所止眾鳥慕鳳凰而來喻賢者所在羣士皆慕而往仕也因時

鳳凰至因以喻焉  
藹藹王多吉士維君子使媚于天

子  
傳藹藹猶濟濟也箋媚愛也王之朝多善士藹藹然君子在上位者率化之使之親

愛天子奉職盡力  
鳳凰于飛翾翾其羽亦傳于天

鐵

因切箋傳 猶戾也 藹藹王多吉人維君子命叶彌媚

于庶人箋命猶使也善士親愛庶人謂無擾之令不失職 鳳凰鳴矣

于彼高岡梧桐生矣于彼朝陽傳梧桐柔木也出東曰朝

陽梧桐不生山岡太平而後生朝陽箋鳳凰鳴于山脊之上者居高視下觀可集止喻賢

者待禮乃行翔而後集梧桐生者猶明君出也生於朝陽者被溫仁之氣亦君德也鳳凰

之性非梧桐不棲非竹實不食 萃萃萋萋叶堅奚切傳梧

桐盛也鳳凰鳴也臣竭其力則地極其化天下和洽則鳳凰樂德箋萃萃萋萋喻君德盛

也雖離離喈喈 君子之車既庶且多君子之馬

既閑且馳平唐何切傳上能錫以車馬行中節馳中法也箋庶衆閑習也今賢

者在位王錫其車衆多矣其馬又閑習於威儀能馳矣大夫有乘馬有貳車 矢詩

不多維以遂歌傳不多少也明王使公卿獻詩以陳其志遂為工師之歌

馬箋矢陳也我陳作此詩不復多也欲今遂為樂歌王日聽之則不損今之成功也

### 卷阿十章六章章五句四章章六句

民勞召穆公刺厲王也箋厲王成王七世孫也時賦歛重數

繇役煩多人民勞苦輕為姦宄彊凌弱衆暴寡作寇害故穆公以刺之

民亦勞止汔可小康惠此中國以綏四方汔傳

危也中國京師也四方諸夏也箋汙幾也康  
綏皆安也惠愛也今周民罷勞矣王幾可以  
小安之乎愛京師之人以安  
天下京師者諸夏之根本  
無縱詭隨以謹

無良式遏寇虐憺不畏明

叶茫傳詭隨詭人之善隨人之惡者

以謹無良慎小以懲大也憺曾也箋謹猶慎也良善式用遏止也王為政無聽於詭人之善不肯行而隨人之惡者以此勅慎無善之人又用此止為寇虐曾不畏敬明白之刑罪者疾時柔遠能邇以定我王傳柔安也箋能有之安遠方之國順仰其近者當以此定我國家為王之功言我者同姓親也民亦勞止汙可小休惠此中國以為民速傳休定也箋速合也箋

休止息也合聚也

無縱詭隨以謹憺恟

叶尼切

式遏寇

虐無俾民憂

傳憺恟大亂也箋憺恟謹也謂所爭者也俾使也

無棄

爾勞以為王休

傳休美也箋勞猶功也無廢女始時勤政事之功以為女

王之美述其始時者誘掖之也

民亦勞止汙可小息惠此京

師以綏四國

叶干通切傳息止也

無縱詭隨以謹罔極

式遏寇虐無俾作慝

傳慝惡也箋罔無極中也無中所行不得中正

敬慎威儀以近有德

傳求近德也

民亦勞止汙可

小愒惠此中國俾民憂泄

傳愒息泄去也箋泄猶出也發也

無縱詭隨以謹醜厲式遏寇虐無俾正敗

叶

寐切傳醜衆厲危也箋厲惡也春秋傳曰戎其父爲厲厲壞也無使先王之正道壞

雖小子而式弘大

叶徒帝切傳戎大也箋戎猶女也式用也弘猶廣也

今王女雖小子自遇而女用事於天下甚廣大也易曰君子出其言善則千里之外應之况其邇者乎出其言不善則千里之外違之况其邇者乎是以以此戒之

民亦勞

止汙可小安惠此中國國無有殘

傳賊義曰殘箋王愛

此京師之人則天下無縱詭隨以謹繾綣式

遏寇虐無俾正反

傳繾綣反覆也

王欲玉女是用大

諫

叶簡箋王者君子比德焉王乎我欲令女如玉然故作是詩用大諫正女此穆公至

忠之言

### 民勞五章章十句

板凡伯刺厲王也

箋凡伯周同姓周公之胤也入爲王卿士

上帝板板下民卒瘵出話不然爲猶不遠

傳板

板反也上帝以稱王者也瘵病也話善言也猶道也箋猶謀也王爲政反先王與天之道

天下之民盡病其出善言而不行之也然爲謀不能遠圖不知禍之將至

靡聖管

管不實於亶

傳管管無所依繫亶誠也箋王無聖人之法度管管然以心自

恣不能用實於誠信之言言行相違也猶之未遠是用大諫簡

傳猶圖也箋王之謀不能圖遠用是故我大諫王也天之方難叶平無

然憲憲叶虛天之方蹶無然泄泄傳憲憲猶欣欣也蹶

動也泄泄猶沓沓也箋天斥王也王方欲艱難天下之民又方變更先王之道臣乎女無

憲憲然無沓沓然為之制辭之輯矣民之洽

法度達其意以成其惡辭之輯矣民之洽叶胡矣辭之懌矣民之莫矣傳輯和洽合懌說莫定也箋辭

辭氣謂政教也王者政教和說順於民則民心合定此戒語時之大臣我雖異

事及爾同僚我即爾謀聽我囂囂傳僚官也囂囂猶警

警也箋及與即就也我雖與爾職事異者乃與女同官俱為卿士我就女而謀及忠告以

善道女反聽我言我言維服勿以為笑叶先

警警然不肯受我言維服勿以為笑叶先

民有言詢于芻蕘傳芻蕘薪采者箋服事也我所言乃今之急事女無

笑之古之賢者有言有疑事當與薪采者謀之匹夫匹婦或知及之况於我乎天之

方虐無然諛諛老夫灌灌小子躑躑傳諛諛然喜樂

灌灌猶款款也躑躑貌箋今王方為酷虐之政女無諛諛然以讒慝助之老夫諫女款

款然自謂也女反躑躑然如小子不聽我言匪我言耄爾用憂謔

多將焯焯不可救藥傳八十曰耄焯焯然熾盛也箋將行也今我言

非老耄有失誤乃告女用可憂之事而女反如戲謔多行熇熇慘毒之惡誰能止其禍

天之方儕叶戕無為夸毗威儀卒迷善人載

尸傳儕怒也夸毗體柔人也箋王方行酷虐

威儀盡迷亂賢人君子則如尸民之方殿屎

則莫我敢葵喪亂蔑資叶戕曾莫惠我師傳

屎呻吟也蔑無資財也箋葵揆也民方愁苦而呻吟則忽然無有揆度知其然者其遭喪

禍又素以賦歛空虛無財貨以共其事窮困如此又曾不肯惠施以調贍眾民言無恩也

天之牖民如堦如筮如璋如圭如取如攜傳

道也如堦如筮言相和也如璋如圭言相合也如取如攜言必從也箋王之道民以禮

義則民和合而從之如此攜無曰益牖民孔易民之多辟

無自立辟傳辟法也箋易易也女攜掣民東

益為道民在已甚易也民之行多為邪僻者乃汝君臣之過無自謂所建為法也价

人維藩大師維垣大邦維屏大宗維翰叶胡

傳价善也藩屏也垣墻也王者天下之大宗

翰幹也箋价甲也被甲之人謂卿士掌軍事

者大師三公也大邦成國諸侯也大宗王之

同姓之適子也王當用公卿諸侯及宗室之

貴者為藩屏垣幹懷德維寧宗子維城無俾為輔弼無疏遠之

城壞

叶無獨斯畏

叶猥傳懷和也箋斯離也和女德無行酷虐之政以

安女國以是為宗子之城使免於難遂行酷虐則禍及宗子是謂城壞城壞則乖離而女獨居而畏矣宗子謂王之適子敬天之怒無敢戲豫敬天之

渝無敢馳驅

傳戲豫逸豫也馳驅自恣也箋渝變也

昊天曰明

叶及爾出王昊天曰旦及爾游衍

叶亦戰切傳王往旦

明游行衍溢也箋及與也昊天在上人仰之皆謂之明常與汝出入往來游溢相從視女所行善惡可不慎乎

板八章章八句

生民之什十篇六十五章四百三十三句

毛詩卷五 紛

毛詩卷五音釋

文王於音烏後裸右亂皞况甫蓋音盡義毛音儀

大明忱市林適音的摯音至倪牽遍右音祐驪音原涼

力尚切緜田節董音謹契音苦計棊音俱陜耳升伉

本苦浪切拔蒲貝兌吐外混音昆駢徒對芮如銳棧

樸音卜樸音酉追對回旱麓音戶瓚才早思齊

齊側皆恫音通御毛牙斨鄭作皇矣鄭作政鄭作菑

側吏切桀音例檉勅丁楛本羌檠鳥簾援音爰馘古獲



切 馮 馬嫁 佻 魚乙 靈臺 戶角 椌 七凶 文王

有聲 減 况域 生民 達 他未 副 本孚 呱 本音 訐

本沉 疑 魚極 穰 音 蒙 莫孔 嗔 布孔 郃 他來 秬

于切 穰 音 榆 音 輶 本蒲 行 葦 敦 徒端 泥 乃礼

切 孚鄙 糜 音 榆 音 輶 本蒲 行 葦 敦 徒端 泥 乃礼

學 本古 朦 渠略 号 五洛 敦 音 句 古豆 醺 如主

既醉 俶 尺六 壺 苦本 鳧 鷺 鷺 於雞 滾 在公 公

劉場 音 嶽 魚輦 鍛 丁亂 過 弋音 鞫 居六 洞 酌 洞

音 餽 甫云 饴 本尺 卷 阿 卷 音 伴 判 奐 音 會 在

切 販 符版 望 亡音 歲 呼會 奉 布孔 民 勞 汜 許一

俶 本女 板 癰 當先 躋 其略 熇 許各 濟 才細 夸

同 誇 屎 許伊 王 本讀 作往

毛詩卷六

漢孔氏傳

鄭氏箋

明馬應龍

孫開枝

大雅

蕩之什詁訓傳第二十五

蕩召穆公傷周室大壞也厲王無道天下

蕩蕩無綱紀文章故作是詩也

蕩蕩上帝下民之辟

傳上帝以託君王也辟君也箋蕩蕩法度廢壞

之貌厲王乃以此居人上為天疾威上帝其

命多辟傳疾病人矣威罪人矣箋疾病人者

教又多邪僻重賦斂也威罪人者峻刑法也其政天生烝民其命匪謐叶市靡不

有初鮮克有終傳謐誠也箋烝眾鮮寡克能

非當以誠信使之忠厚乎今則不然文王曰

民始皆庶幾於善道後更化於惡俗

咨咨汝殷商曾是彊禦曾是培克曾是位

曾是在服叶蒲北切傳咨嗟也彊禦彊梁禦

政事也箋厲王弭謗穆公朝廷之臣不敢斥

言王之惡故上陳文王咨嗟殷紂以切刺之

女曾任用是惡人使天降滔德女與是力傳

之處位執職事也君滔慢也箋厲王施倨慢之化女文王曰咨

咨女殷商而秉義類彊禦多對流言以對寇

攘式內傳對遂也箋義之言宜也類善式用

眾對為惡者皆流言謗毀賢者王若問之則

又以對寇盜攘竊為姦宄者而王信之使用

事於侯作侯祝靡屆靡究傳作祝詛也屆極

王與羣臣乖爭而相疑且文王曰咨咨女殷

商女包休于中國歛怨以為德傳包休猶彭

自矜氣健之貌斂聚羣不逞作  
怨之人謂之有德而任用之  
不明爾德時

無背無側傳背無臣側無人也  
爾德不明無臣無人謂賢者不用

以無陪無卿傳無陪貳也  
文王曰咨咨女殷無卿士也

商天不湏爾以酒不義從式傳義宜也  
法也天不同女

乃過也不宜從而法行之  
既愆爾止靡明

靡晦叶呼式號式呼俾晝作夜叶羊茹切傳  
使晝為夜也

事文王曰咨咨女殷商如蜩如蟥如沸如羹

箋愆過也女既過沈湏矣又不為明晦無有  
止息也醉則號呼相傲用晝日作夜不視政

叶郎傳蜩蟥也蟥蟻也  
飲酒號呼之聲如

熟蜩蟥之鳴其笑語沓沓又如湯之沸羹之方  
小大近喪叶平人尚乎由行叶枕傳言居

是道也箋殷紂之時君臣失道如此且喪亡  
矣時人化之甚尚欲從而行之不知其非

內曩于中國覃及鬼方傳曩怒也不醉而怒  
日曩鬼方遠方也

此言時人快於惡雖  
文王曰咨咨女殷商匪

不有醉猶好怒也

上帝不時叶止殷不用舊叶暨几切箋此言  
紂之亂非其生不

得其時乃不用先  
雖無老成人尚有典刑箋

成人謂若伊尹伊陟臣扈之屬雖  
無此臣猶有常事故法可案用也  
曾是莫聽

大命以傾莫無也朝廷君臣皆任喜怒文

王曰咨咨女殷商人亦有言顛沛之揭枝葉

未有害叶本實先撥叶筆烈切傳顛什沛拔

撥猶絕也言大本揭然將蹶枝葉未有折傷

其根本實先絕乃相隨俱顛拔喻紂之官職

雖俱存紂殷鑒不遠在夏后之世叶私烈切

誅亦皆死之明鏡不遠也近在夏后之世謂湯誅桀

也後武王誅紂今之王者何以不用為戒

### 蕩八章章八句

抑衛武公刺厲王亦以自警也箋自警者如彼泉流

無淪胥以二

抑抑威儀維德之隅人亦有言靡哲不愚傳

抑密也隅廉也靡哲不愚國有道則知國無

道則愚箋人密審於威儀抑抑然是其德必

嚴正也古之賢者道行心平可外占而知內

如宮室之制內有繩直則外有廉隅今王政

暴虐賢者皆佯愚不庶人之愚亦職維疾哲

人之愚亦維斯戾叶力質切傳職主戾罪也

愚為主言是其常也賢無競維人四方其訓

者而為愚畏懼於罪也之有覺德行四國順之傳無競競也訓教覺

為政無彊於得賢人得賢人則天下教化於其俗有大德行則天下順從其政言在上所以倡道

**訐謨定命遠猶辰告**叶古得切傳訐大謨謀猶道辰時也

箋猶圖也大謀定命謂正月始和布政于邦國都鄙也為天下遠圖庶事而以歲時告施之

**敬慎威儀維民之則**箋則法也

**其在于今與迷**

**亂于政顛覆厥德荒湛于酒**箋于今謂今厲王也與猶尊尚也王尊尚小人迷亂於政事者以傾敗其功德荒廢其政事又湛樂於酒言愛小人之甚

**女雖湛樂從弗念厥紹罔敷求先王克其明**

**刑**傳紹繼共執刑法也箋罔無也女君臣雖好樂嗜酒而相從不當念繼女之後人將

勸女所為無廣索先王之道與能執法度之人乎切責之也

**肆皇天弗尙**

**如彼泉流無淪胥以亡**傳淪率也箋肆故今也胥皆也

叶平聲

**庭內維民之章**傳酒灑章表也箋章文章法度也厲王之時不泄政事故

**戒羣臣掌事**者以此也

**修爾車馬弓矢戎兵**叶脯切

**用戒**戎羣臣掌事者以此也

**戎作用邊蠻方**傳邊遠也箋邊當作剔剔治也蠻方蠻畿之外也此時中

國微弱故復戒將率之臣以治軍實女當用此備兵事之起用此治九州之外不服者

質爾人民謹爾侯度用戒不虞叶豫傳質成也

也箋侯君也此時萬民失職亦不肯趨公事故又戒鄉邑之大夫及邦國之君平女萬民

之事慎女為君之法度慎爾出話敬爾威儀

用備不意度而至之事俄無不柔嘉叶居何切傳話善言也箋柔安嘉善也白圭

之玷尚可磨也斯言之玷不可為叶吾切也傳

缺也箋斯此也王之缺尚可磨鑣而平人君政教一失誰能反覆之無易由言

無曰苟矣莫捫朕舌言不可逝叶折矣傳莫無捫持也

箋由於逝往也女無輕易於教令無曰苟且如是今人無持我舌者而自聽咨也教令一

往行於下其過誤無言不讎叶無德不報

可得而已之乎救惠于朋友叶羽切庶民小子傳離用也箋惠

如賣物物善則其售賈貴物惡則其售賈賤德加於民則以義報之王又當施順道於

諸侯下及庶民之子弟子孫繩繩萬民靡不承箋繩繩

之子孫敬戒行王之教令天下視爾友君子

輯柔爾顏不遐有愆傳輯和也箋柔安遐遠也今視女諸侯及卿大

夫皆脇肩諂笑以和安女顏色是相在爾室

尚不愧于屋漏無曰不顯莫予云覲傳西北隅謂之

屋漏覲見也箋相助顯明也諸侯卿大夫助祭在女宗廟之室尚無肅敬之心不慙媿於屋漏有神見人之為也女無謂是幽昧不明無見我者神見女矣屋小帳也漏隱也禮祭於奧既畢改設饌於西北隅神之格神也神之來至去止思不

可度思矧可射叶切思傳格至也箋矧况射

不可度知况可於祭末而有厭倦乎辟爾為德俾臧俾嘉叶居

淑慎爾止不愆于儀叶不僭不賊鮮不為則

傳女為善則民為善矣止至也為人君止於仁為人臣止於敬為人子止於孝為人父止於慈與國人交止於信僭差也箋辟法也止容止也當審法度女之施德使之為民臣所

善所美又當善慎女之容止不可過差於威儀法女所行不僭不殘賊者少矣其不為人所

投我以桃報之以李傳此言善往則善來

也投猶擲也彼童而角實虹小子傳童羊之無角

也虹漬也箋童羊譬皇后也而角者喻與政事有所害也此人實漬亂小子之政禮天子

未除喪稱小子荏染柔木言繒之絲温温恭人維德

之基傳繒被也温温寬柔也箋柔忍之木荏

温然則能為德之基止言其維哲人告之話言順德之行其維愚人覆謂我僭叶七切各



有心傳話言古之善言也箋覆猶反也借不信也語賢智之人以善言則順行之告

愚人反謂我不信民於乎小子未知臧否補各有心二者竟不同

美切匪手攜之言示之事叶上切匪面命之言提

其耳箋臧善也於乎傷王不知善否我非但

但對面語之親提撕其耳此借曰未知亦既

言以教道之熟不可啓覺

抱子傳借假也箋假令人云王尚幼少未

之靡盈誰夙知而莫成傳莫晚也箋萬民之

早有所知而反晚成與言昊天孔昭叶我生

靡樂叶力切視爾夢夢我心慘慘叶七到切傳

慘憂不樂也箋孔甚昭明也昊天乎乃甚明

察我生無可樂也視王之意夢夢然我心之

憂悶慘慘然其誨爾諄諄聽我藐藐叶眉

自恣不用忠臣入也我教告王口語

匪為用教覆用為虐叶宜照切傳藐藐然不

諄諄然王聽聆之藐藐然忽略不用我所

言為政令反謂之有妨害於事不受忠言借

補

叶

切

但

言

也

之

王

傳

也

心

之

之

言

借

天

下

災異生兵寇  
將以滅王  
取譬不遠昊天不忒回適其德

俾民大棘近耳王當如昊天之德有常不差

忒也王反為無常維邪其行為  
貪暴使民之財匱盡而大困急

抑十二章三章章八句九章章十句

桑柔芮伯刺厲王也芮伯畿內諸侯

菀彼桑柔其下侯甸將采其劉瘼此下民與

也菀茂貌旬言陰句也劉爆爍而希也瘼病

也箋桑之柔濡其葉宛然茂盛謂蠶始生時  
也人庇陰其下者均得其所及已將采之則  
葉爆爍而疏人息其下則病於爆爍與者喻

民當被王之恩惠羣  
臣恣放損王之德  
不殄心憂倉兄填兮倉

喪也兄滋也填久也箋殄絕也民  
心之憂無絕已喪亡之道滋久長倬彼昊天

叶鐵傳昊天乃倬然明大而不可  
因切寧不我矜傳昊天乃倬然明大而不可

哀下民怨  
四牡騤騤旗旐有翩叶亂生不

夷靡國不泯叶彌鄰切傳騤騤不息也鳥隼

也夷平泯滅也箋軍旅久出征伐而亂日生

其所適  
長寇虐民靡有黎具禍以燼叶咨辛切傳黎

也具猶俱也災餘曰燼言時民無有不齊被  
兵寇之害者俱遇此禍以為燼者言害所及

廣於乎有哀

叶於

國步斯頻

傳步行頻急也

哉國家之政行此禍害比比然

國步蔑資天不我將

叶去聲靡

所止疑云徂何往

叶于况切傳疑定也蔑猶輕也將猶養也徂行也

國家為政行此輕蔑民之資用是天不養我也我從兵役無有止息時今復云行當何之

君子實維秉心無競

叶其亮切

誰生厲階

叶堅

至今為梗

叶口浪切傳競疆厲惡梗病也君子謂諸侯及卿大夫也其執心

不彊於善而好以力爭誰始生此禍者乃至今日相梗不止

憂心慙慙念

我土宇我生不辰逢天憚怒

叶上聲

自西徂東

靡所定處

傳宇居憚厚也箋辰時也此多我

覲瘠孔棘我圉

傳圍垂也箋瘠病也圍當作

我之禦寇之事

為謀為愆亂况斯削

傳愆慎也女為軍旅之謀為

重慎兵事也而亂滋甚於此

告爾憂恤誨爾

序爵誰能執執逝不以濯

傳濯所以救執也

箋恤亦憂也逝猶去也我語女以憂天下之憂教女以次序賢能之爵其為之當如手持

熱物之用濯謂治國之道當用賢者其何能淑載胥及溺

叶弱

善胥相及與也女若云此於政事何能善乎則女君臣皆相與陷溺於禍難

如彼

遡風

叶孚金切

亦孔之僂民有肅心葬云不逮好

是稼穡力民代食

傳遡鄉僂也力民代食代無功者食天祿也

箋肅進逮及也今王之為政見之使人也然如鄉疾風不能息也王為政民有進於善道

之心當任用之反却退之使不及門但好任用是居家吝嗇於聚斂作力之人令代賢者

處位食祿明王之法能治人者食於人不能治人者食於人禮記曰與其有聚斂之臣寧

有盜臣聚斂之臣害民盜臣害財稼穡維寶代食維好

言王不尚賢但貴吝嗇之人與愛代食者而已天降喪亂滅我立王降

此蠹賊稼穡卒瘁

箋滅盡也蠹食苗根曰蠹食節曰賊耕種曰稼收斂

哀恫中國具贅卒荒靡有旅力以念穹蒼

傳屬荒虛也穹蒼蒼天箋恫痛也哀痛乎中國之人皆見係屬於兵役家家空虛朝廷曾無

有同力諫諍念天所為下此災維此惠君民人所瞻

叶諸秉心宣猶考慎其相

叶平聲傳相質也箋惠順至德順民之君為百世所瞻仰者乃執正心舉事徧謀於眾又考誠其輔相之行然後用

之言擇賢之審維彼不順自獨俾臧自有肺腸俾民

卒狂

箋臧善也彼不施順道之君自多足獨謂賢言其所任之臣皆善人也不復考

慎自有肺腸行其心中之所欲乃瞻彼中林使民盡迷惑如狂是又不宣猶

也胥相也以猶與也穀善也視彼林中其鹿相輩耦行牲牲然衆多今朝廷羣臣皆相欺背不相與以善道人亦有言進退維谷傳谷窮也

言其鹿之不如箋前無明君却維此聖人瞻言百里維彼愚

人覆狂以喜傳瞻言百里遠慮也箋聖人所視而言者百里言見事遠而王

不用有愚闇之人為王言其事淺且近耳王反迷惑信用之而喜

匪言不能

胡斯畏忌叶上聲箋胡之言何也賢者見此事之是非非不能分別阜白言之

於王也然不言之何也維此良人弗求弗迪

此畏懼犯顏得罪罰傳迪進也箋良善

沃切維彼忍心是顧是復傳迪進也箋良善

求索不進用之有忍為惡之心者王反顧念而重復之言其忽賢者而愛小人

民之

貪亂寧為荼毒箋貪猶欲也天下之民苦王之政欲其亂亡故安為苦毒

之行相侵纍大風有隧有空大谷傳隧道也箋西風謂

之愠恚使之然大風有隧有空大谷傳隧道也箋西風謂

空谷之中喻賢愚之所行各由其性

良人作為式穀維彼不順征以中垢叶居六切傳中

垢言闇冥也箋作起式用征行也賢者在朝則用其善道不順之人則行闇冥受性於天

不可大風有隧貪人敗類聽言則對誦言如

變也傳類善也箋類等夷也對答也貪惡之人

醉見道聽之言則應答之見誦詩書之言則

寘臥如醉居上位匪用其良覆俾我悖傳覆

而行此人或效之箋居上位而不用善反使我為嗟爾朋友予

悖逆之行是形其敗類之驗豈不知而作如彼飛蟲時亦弋獲爾朋友者

親而切嗟之也而猶與也我豈不知女所行

者惡與直知之女所行如是猶鳥飛行自恣

無所拘制則將遇何女之間者得誅女也既

之陰女反予來赫往也口距人謂之赫我恐

女見弋獲既往覆陰女謂啓告之以患民之

難也女反赫我出言悖怒不受忠告罔極職涼善背諒信也民之行失其中者主

由為政者信用為民不利如云不克箋克勝

小人互相欺違者害民如恐不得民之回適職競用力逐也

其勝言至酷也言民之行維邪者主由為政者逐用民之未

彊力相尚故也言民愁困用生多端民之未

戾職盜為寇傳戾定也箋為政者主作盜賊

涼曰不可覆背善言箋善猶大也我諫止之

反背我而大言雖曰匪予既作爾歌箋予我

言拒已諫之甚也女雖

八毛言卷六  
三  
觥距已言此政非我所為我已作  
女所行之歌女當受之而改悔

桑柔十六章八章章八句八章章六句

雲漢仍叔美宣王也宣王承厲王之烈內

有撥亂之志遇裁而懼側身修行欲銷去

之天下喜於王化復行百姓見憂故作是

詩也箋仍叔周大夫也春秋魯桓公五年  
夏天王使仍叔之子來聘烈餘也雲

漢天河也自此至常武  
六篇宣王之變大雅

倬彼雲漢昭回于天呼鐵因切傳回轉也箋  
雲漢謂天河也昭光也

倬然天河水氣也精光轉運於天時旱  
王曰渴雨故宣王夜仰視天河望其候焉

於乎何辜今之人天降喪亂饑饉薦臻傳薦  
重臻

至也箋辜罪也王憂旱而嗟歎云何罪於今  
時天下之人天仍下旱災亡亂之道饑饉之

害復重至也靡神不舉靡愛斯牲圭璧既卒寧莫

我聽箋靡莫皆無也言王為旱之故求於羣  
神無不祭也無所愛於三牲禮神之圭

璧又已盡矣曾無聽聆我之精神而興雲雨早既大甚蘊隆蟲蟲

傳蘊蘊而暑隆隆而雷蟲蟲而熱不殄殳

祀自郊徂宮上下奠瘞靡神不宗傳上祭天  
下祭地奠

其禮瘞其物宗尊也國有凶荒則索鬼神而祭之宮宗廟也為旱故潔祀也絕從郊而至宗廟奠瘞天地之神無不齊肅而尊敬之言徧至也 后稷不克上帝

不臨叶郎中切耗斁下土寧丁我躬傳丁當也

識也斁敗也奠瘞羣神而不得雨是我先祖后稷不識知我之所困與天不視我之精誠與猶以旱耗敗天下為害曾使當我之身有此乎先后稷後上帝亦從宮之郊早既

太甚則不可推兢兢業業如霆如雷周餘黎

民靡有孑遺叶夷回切傳推去也兢兢恐也業業危也孑然遺失也黎眾

也早既不可移去天下困於飢饉皆心勤意懼兢兢然業業然狀有如雷霆近發於上周

之眾民多有死亡者矣幸其昊天上帝則不

我遺胡不相畏先祖于摧傳摧至也摧當

遂旱餓殺我與先祖何不助我恐懼使天雨也先祖之神于嗟乎告困之辭早既

太甚則不可沮赫赫炎炎云我無所大命近

止靡瞻靡顧叶古傳沮止也赫赫旱氣也炎炎熱氣也大命近止民近死亡

也早既不可却止熱氣大盛人皆不堪言我無所庇陰處眾民之命近將死亡矣曾無

所視無所顧於此 羣公先正則不我助叶牀

父母先祖胡寧忍予叶演女切傳先正百辟卿士也先祖文武為民



父母也箋百辟卿士雩祀所及者今曾無肯助我憂早先祖文武又何為施忍於我不使

天雨旱既太甚滌滌山川叶樞倫切旱魃為虐如燄

如焚我心憚暑憂心如熏傳滌滌旱氣也山無木川無水魃旱

神也燄燎之也憚勞熏灼也箋憚猶畏也旱既害於山川矣其氣生魃而害益甚草木焦

枯如見焚燎然王心又畏難此羣公先正則熱氣如灼爛於火言熱氣至極

不我聞昊天上帝寧俾我遯叶徒勻切箋不聽我之所言也天曾將使我心

遯遯慙愧於天下以無德也旱既太甚黽勉畏去胡寧瘳我以旱憯不知其故箋瘳病也黽勉

急禱請也欲使所尤畏者去所尤畏者魃也天何曾病我以旱曾不知為政所失而致此

害祈年孔夙方社不莫昊天上帝則不我虞

叶敬恭明神宜無悔怒傳悔恨也箋虞度也我祈豐年甚早祭四

方與社又不晚天曾不度知我心肅事明神如是明神宜不恨怒於我我何由常遭此旱

也旱既太甚散無友紀鞠哉庶正疚哉冢宰

叶獎趣馬師氏膳夫左右叶羽軌切傳歲凶里切

不秣師氏弛其兵馳道不除祭事不縣膳夫徹膳左右布而不修大夫不食梁士飲酒不

樂箋人君以羣臣為友散無其紀者凶年祿籛不足人無賞賜也鞠窮也庶正眾官之長

籛不足人無賞賜也鞠窮也庶正眾官之長

籛不足人無賞賜也鞠窮也庶正眾官之長

也疾病也窮哉窮哉者念此諸臣靡人不周

勤於事而困於食以此言勞倦也

無不能止傳周救也無不能止言無止不能也箋周當作調王以諸臣困於食

人人調給之權救其急後日乏無不能豫止瞻印昊天云如何里

但仰天曰當如我之憂何箋里憂也王愁悶於不雨瞻印昊天有嘒其

星大夫君子昭假無贏大命近止無棄爾成

傳嘒眾星貌假至也箋假升也王仰天見眾星順天而行嘒嘒然意感故謂其卿大夫曰

天之光耀升行不休無自贏綏之時今眾民之命近將死亡勉之助我無棄女之成功者

若其在職復無幾何以勸之也何求為我以戾庶正叶征傳戾定也

箋使女無棄成功者何但求為我身瞻印昊

乎乃欲以安定眾官之長憂其職事

天曷惠其寧箋曷何也王仰天曰當何時順我之求令我心安乎渴雨之時

也得雨則心安

雲漢八章章十句

崧高尹吉甫美宣王也天下復平能建國

親諸侯褒賞申伯焉箋尹吉甫申伯皆周之卿士也尹官氏申

名國 崧高維嶽駿極于天叶鐵維嶽降神生甫及

**申**傳崧高貌山大而高曰崧嶽四嶽也東嶽

四伯掌四嶽之祀迷諸侯之職於周則有南

有申有齊有許也駿大極至也嶽降神靈和

氣以生申甫之大功箋降下也四嶽卿士之

官掌四時者也因主方嶽巡守之事在堯時

姜姓為之德當嶽神之意而福與其子孫歷

虞夏商世有國土周之甫也申也齊也許也

皆其**維申及甫維周之翰**叶胡**四國于蕃四**

苗胄**方于宣**傳翰幹也箋申申伯也甫甫侯也皆

以賢知入為周之楨幹之臣四國有

難則往扞禦之為之蕃屏四方恩澤不至則

往宣暢之甫侯相穆王訓夏贖刑美此俱出

四嶽故**王纘之事于邑于謝南國**連言之

**是式**叶失吏切傳謝周之南國也箋疊疊勉

也纘繼于往于於式法也疊疊然勉於

德不倦之臣有申伯以賢入為周之卿士佐

王有功王又欲使繼其故諸侯之事往作邑

於謝南方之國皆統理施其法度

時改大其邑使為侯伯故云然

**定申伯之宅登是南邦**叶悲**世執其功**伯召

公也登成也功事也箋之往也申伯忠臣不

欲離王室故王使召公定其宅令往居謝成

法度於南邦世世持

其政事傳子孫也

**王命申伯式是南邦**叶悲

工切**因是謝人以作爾庸**傳庸城也箋庸功也

召公既定申伯之居

王乃親命之使為法度於南邦今因是故謝

邑之人而為國以起女之功勞言尤章顯也

謝

謝

謝

王命召伯徹申伯土田

叶徒因切傳徹治也箋治者正其井牧定

其賦稅王命傅御遷其私人

傳御治事之官也箋私人家臣也箋傅

御者貳王治事謂冢宰也申伯之功召伯是營有俶其城

寢廟既成

傳俶作也箋申伯居謝之事召公營其位而作城郭及寢廟定其人

神所處既成藐藐王錫申伯四牡騶騶鉤膺

濯濯

傳藐藐美貌騶騶壯貌鉤膺樊纓也濯濯光明也箋召公營位築之已成以形

貌告於王王乃賜申伯為將遣之王遣申伯路車乘馬叶我

圖爾居莫如南土

傳乘馬四馬也箋王以正禮遣申伯之國故復有車

馬之賜因告之曰我謀女之所處無如南土之最善錫爾介圭以作爾

寶

叶補傳寶瑞也箋圭長尺二寸謂之介非諸侯之圭故以為寶諸侯之瑞圭自九寸

而往近王舅南土是保

叶普傳近已也申伯宣王之舅也箋近辭

也聲如彼記之子之記保守也安也申伯信邁王餞于郟

箋邁行也申伯之意不欲離王室王告語之復重於是意解而信行餞送行飲酒也時王

蓋省岐周故于郟云申伯還南謝于誠歸

箋還南者北誠歸誠歸于謝于王命召伯徹申伯土疆以

峙其糗式遄其行

叶杭箋糗糧式用遄速也王使召公治申伯土界之

所至峙其糧者令廬市有止申伯番番 叶分

宿之委積用是速申伯之行申伯番番 叶分

既入于謝徒御嘽嘽傳番番勇武貌諸侯有大功則賜虎賁徒御嘽

嘽徒行者御車者嘽嘽喜樂也箋申伯之貌

有威武番番然其入謝國車徒之行嘽嘽安

舒言得禮也周邦咸喜戎有良翰叶胡干切箋周徧也

禮入國不馳我猶女也翰幹也申伯入謝徧邦內不顯申

皆喜曰女乎有善君也相慶之言

伯王之元舅文武是憲叶即言切傳不顯申伯顯矣申伯也文武

是憲言有文有武也箋憲表也言為文武之表式申伯之德柔惠且

直揉此萬邦聞于四國叶于逼切箋揉順也四國猶言四方也

吉甫作誦其詩孔碩叶實若切其風肆好以贈申

伯叶博傳吉甫尹吉甫也作是工師之誦也肆長也贈增也箋碩大也吉甫為此誦也

言其詩之意甚美大風切申伯又使之長行善道以此贈申伯者送之令以為樂

崧高八章章八句

烝民尹吉甫美宣王也任賢使能周室中興焉

天生烝民有物有則民之秉彝好是懿德傳烝衆物事則法彝常懿美也箋秉執也天之生衆民其性有物象謂五行仁義禮智信也其

情有所法謂喜怒哀樂好惡也然而民天監所執持有常道莫不好有美德之人

有周昭假于下虎保茲天子生仲山甫傳仲山甫

樊侯也箋監視假至也天視周王之政教其光明乃至下謂及眾民也天安愛此天子

宣王故生樊侯仲山甫使佐之言天亦好是懿德也書曰天聰明自我民聰明仲山

甫之德柔嘉維則令儀令色小心翼翼箋嘉美令

善也善威儀善顏色容貌翼翼然恭敬古訓是式威儀是力天

子是若明命使賦傳古故訓道若順賦布也

法也力猶勤也勤威儀者恪居官次不解于位也是順從行其所為也顯明王之政教使

羣臣施布之王命仲山甫式是百辟續我祖考王

躬是保傳戎大也箋戎猶女也躬身也王曰女施行法度於是百君繼女先祖先

父始見命者之功德王身是安使盡心力於王室出納王命王之喉

舌賦政于外四方爰發可方月切傳喉舌冢宰也箋出王命者王

口所自言承而施之也納王命者時之所宜復於王也其行之也皆奉順其意如王口喉

舌親所言也以布政於畿外肅肅王命仲山

甫將之邦國若否仲山甫明傳將行也

也言王之政教甚嚴敬也仲山甫則能奉行若順也順否猶臧否謂善惡也既明

且哲以保其身夙夜匪解以事一人夙早夜莫匪

非也一人人亦有言柔則茹之剛則吐之柔

斤天子猶濡毳也剛堅彊也剛柔之在口維仲山甫

柔亦不茹剛亦不吐不侮矜寡古叶不畏彊禦

人亦有言德輶如毛民鮮克舉之我儀圖動叶

五之傳儀宜也箋輶輕儀匹也人之言云德

切甚輕然而衆人寡能獨舉之以行者言

政事易耳而人不能行者無其志也我與維

倫匹圖之而未能為也我吉甫自我也

仲山甫舉之愛莫助叶牀之傳愛隱也箋愛

獨舉此德而行之惜乎莫能助袞職有闕維

之者多仲山甫之德歸功言耳

仲山甫補之傳有袞冕者君之上服也仲山

甫補之善補過也箋袞職者不

敢斥王之言也王之職有仲山甫出祖四牡

闕輒能補之者仲山甫也

業業征夫捷捷每懷靡及叶極業切傳言述

箋夙早夜莫匪

柔

維仲山甫

古叶

動叶

德

我與維

箋愛

袞職有闕維

仲山

甫出祖四牡

叶極業切傳言述

業業言高大

也

也捷捷言樂事也箋祖者將行犯輶之祭也

懷私為每懷仲山甫祀輶而將行車馬業業

然動衆征夫捷捷然至仲山甫則戒之曰既

受君命當速行每人懷其私而相稽留將無

所及四牡彭彭叶八鸞鏘鏘王命仲山甫城

於事

彼東方傳東方齊也古者諸侯之居逼隘則

王者遷其邑而定其居蓋去薄姑而

王

詩卷六

三

三

三

三

三

三

三

三

三

三

遷於臨菑也箋彭彭行貌鏘鏘鳴聲以此車馬命仲山甫使行言其盛也

四牡騤騤八鸞喈喈叶堅仲山甫徂齊式遄其歸傳

騤猶彭彭也喈喈猶鏘鏘也遄疾也言周之望仲山甫也箋望之故欲其用是疾歸吉

甫作誦穆如清風叶孚仲山甫永懷以慰其

心傳清微之風化養萬物者也箋穆和也吉甫作此工歌之誦其調和人之性如清風

長養萬物然仲山甫述職多所思而勞故述其美以慰安其心

### 烝民八章章八句

韓奕尹吉甫美宣王也能錫命諸侯箋梁山於

韓國之山最高大為國之鎮所望祀焉故

美大其貌奕奕然謂之韓奕也梁山今在

馮翊夏陽西北韓姬姓之國也後為晉所

滅故大夫韓氏以為邑名焉幽王九年王

室始騷鄭桓公問於史伯曰周衰其孰興

乎對曰武實昭文之功文之祚盡武其嗣

乎武王之子應

韓不在其晉乎

奕奕梁山維禹甸之有倬其道韓侯受命傳

奕大也甸治也禹治梁山除水災宣王平大

亂命諸侯有倬其道有倬然之道者也受命

受命為侯伯也箋梁山之野堯時俱遭洪水

禹甸之者決除其災使成平田定貢賦於天

子周有厲王之亂天下失職今有倬然

著明復禹之功者韓侯受王命為諸侯王親



命之纘戎祖考無廢朕命夙夜匪解虔共爾

位傳戎大虔固共執也箋戎猶女也朕我也古之恭字或作共朕命不易

榦不庭方以佐戎辟傳庭直也箋我之所命者勿改易不行當為不

直違失法度之方作楨榦而正傳以佐助女君女君王自謂也四牡奕奕孔

修且張韓侯入覲以其介圭入覲于王傳修長張

大覲見也箋諸侯秋見天子曰覲韓侯乘長

大之四牡奕奕然以時覲於宣王覲於宣王

而奉享禮貢國所出之寶善其尊宣王以常

職來也書曰黑水西河其貢璆琳琅玕此覲

乃受命先言受王錫韓侯淑旂綏章篚第錯

命者顯其美也

衡叶玄袞赤舄鉤膺鏤錫鞞鞞淺幪絳革金

厄叶於栗切傳淑善也交龍為旂綏大綏也

錯衡文衡也鏤錫有金鏤其錫也鞞革也

鞞軾中也淺虎皮淺毛也幪覆式也厄烏蠲

也箋王為韓侯以常職來朝享之故故多錫

以厚之善旂旂之善色者也綏所引以登車

有采章也篚第漆篚以為車蔽今之藩也鉤

膺樊纓也眉上曰錫刻金飾之今當盧也

絳革謂轡也以金為小環往往纏揜之韓

侯出祖出宿于屠顯父餞之清酒百壺傳屠地名

也顯父有顯德者也箋祖將去而祀軼也既

覲而反國必祖者尊其所往去則如始行焉

祖於國外畢乃出宿示行不畱於是其殺維

何包鼈鮮魚其菽維何維筍及蒲其贈維何

乘馬路車傳菽菜殺也筍竹也蒲蒲弱也

包鼈以火熟之也鮮魚中膾者也

筍竹萌也蒲深蒲也贈送也王既使顯父餞

之又使送以車馬所以贈厚意也人君之車

曰路車所駕 籩豆有且侯氏燕胥籩且多貌

之馬曰乘馬 籩豆有且侯氏燕胥胥皆也諸

侯在京師未去者於顯父餞之時皆 韓侯取

來相與燕其籩豆且然榮其多也

妻汾王之甥蹶父之子傳汾大也蹶父卿士

王流于彘彘在汾水之上故時人因以號之

猶言莒郊公黎比公也姊妹之子為甥王之

甥卿士之子 韓侯迎止于蹶之里百兩彭彭

言尊貴也

旁八鸞鏘鏘不顯其光傳里邑也箋于蹶之

乘不顯顯也光猶 諸娣從之祁祁如雲韓侯

榮也氣有榮光也也 諸娣從之祁祁如雲韓侯

顧之爛其盈門傳祁祁徐靚也如雲言衆多

也諸侯一取九女二國媵之

諸娣衆妾也顧之曲顧道義也箋媵者必娣

姪從之獨言娣者舉其貴者爛爛燦然鮮明

且衆多 蹶父孔武靡國不到為韓姑相攸莫

之貌

如韓樂叶力告切傳姑蹶父姓也箋相視攸

所也蹶父甚武健為王使於天下國

國皆至為其女韓侯夫人 孔樂韓土川澤訐

訐魴鱟甫甫鹿鹿嘯嘯有熊有羆有貓有虎

姑氏視其所居韓國最樂

訐魴鱟甫甫鹿鹿嘯嘯有熊有羆有貓有虎

訐魴鱟甫甫鹿鹿嘯嘯有熊有羆有貓有虎

訐魴鱟甫甫鹿鹿嘯嘯有熊有羆有貓有虎

訐魴鱟甫甫鹿鹿嘯嘯有熊有羆有貓有虎

傳訐訐大也甫甫然大也嘯嘯然衆也貓似虎淺毛者也箋甚樂矣韓之國土也川澤寬大衆魚禽獸備有言饒富也 慶既令居叶韓姑燕譽箋慶善也

蹶父既善韓之國土使韓姑嫁馬而溥彼韓居之韓姑則安之盡其婦道有顯譽

城燕師所完傳師衆也箋溥大燕安也大矣彼韓國之城乃古平安時衆民

之所築完以先祖受命因時百蠻王錫韓侯其追

其貊奄受北國因以其伯傳韓侯之先祖武王之子也因時百

蠻長是蠻服之百國也追貊戎狄國也奄撫也箋韓侯先祖有功德者受先王之命封為

韓侯居韓城為侯伯其州界外接蠻服因見使時節百蠻貢獻之往來後君微弱用失其

業今王以韓侯先祖之事如是而韓侯賢故於入覲使復其先祖之舊職賜之蠻服追貊

之戎狄令撫柔其所受三畿北面之國因以其先祖侯伯之事盡予之皆美其為人子孫

能興復先祖之功其後追也實墉實壑實畝貊也為儼狃所逼稍稍東遷

實籍叶稽龠切傳實墉實壑言高其城深其壑也箋實當作寔趙魏之東實寔同聲寔是也籍稅也韓侯之先祖微弱所受之國

多滅絕今復舊職興滅國繼絕世故築治是城濬修是壑井牧是田畝

收斂是賦稅使如故常獻其貔皮赤豹黃

羆傳羆猛獸也追貊之國來貢而侯伯摠領之

韓奕六章章十二句

韓奕六章章十二句

江漢尹吉甫美宣王也能興衰撥亂命召

公平淮夷

箋召公召穆公也名虎

江漢浮浮武夫滔滔

侯切

匪安匪遊淮夷來

求

傳浮浮衆彊貌滔滔廣大貌淮夷東國在淮浦而夷行也箋匪非也江漢之水合而

東流浮浮然宣王於是水上命將率遣士衆使循流而下滔滔然其順王命而行非敢斯

須自安也非敢斯須遊止也主為來求淮夷所處據至其境故言來

既出我車

既設我旗匪安匪舒淮夷來鋪

傳鋪病也箋車戎車也鳥

隼曰旗兵至竟而期戰地其日出戎車建旗又不自安不舒行者主為來伐討淮夷也據

至戰地故又言來

江漢湯湯武夫洸洸經營四方告

成于王

傳洸洸武貌箋召公既受命伐淮夷服之復經營四方之叛國從而伐之

克勝則使傳遠告功於王

四方既平王國庶定

丁切唐時靡

有爭王心載寧

箋庶幸時是也載之言則也召公忠臣順於王命此述其

志也江漢之濟王命召虎式辟四方徹我疆土

匪疚匪棘王國來極

傳召虎召穆公也箋許水涯也式法疚病棘急

極中也王於江漢之水上命召公使以王法征伐開闢四方治我疆界於天下非可以兵

病害之也非可以兵急躁切之也使來於王國受政教之中正而已齊桓公經陳鄭之間

及伐北戎則于疆于理至于南海叶虎猥切

違此言者于於也召公於有叛戾之國則往正其境界

修其分理周行四方至於南海而功大成事

也終王命召虎來旬來宣文武受命召公維翰

叶胡干切傳旬徧也召公召康公也箋來勤也旬當作營宣徧也召康公名奭召虎之始

祖也王命召虎女勤勞於經營四方勤勞於徧疆理衆國昔文王武王受命召康公為之

楨榦之臣以正天下為虎之無曰予小子召

勤勞故述其祖之功以勸之

公是似叶養里切肇敏戎公用錫爾祉傳似嗣肇謀敏疾戎

大公事也箋戎猶女也女無自減損曰我小子耳女之所為乃嗣女先祖召康公之功今

謀女之事乃有敏德我用是故將賜女福慶也王為虎之志大謙故進之云爾

圭瓚秬鬯一卣告于文人傳釐賜也秬黑稅也鬯香草也築煮

合而鬱之曰鬯卣器也九命錫圭瓚秬鬯文人文德之人也箋秬鬯黑稅酒也謂之鬯者

芬香條鬯也王賜召虎以鬯酒一罇使以錫祭其宗廟告其先祖諸有德美見記者

山土田叶徒因切于周受命叶彌并切自召祖命傳諸侯有

大功德賜之名山土田附庸箋周岐周也自用也宣王欲尊顯召虎故如岐周使虎受山

川土田之賜命用其祖召康公受封之禮岐周周之所起為其先祖之靈故就之

拜稽首天子萬年叶稱因切箋拜稽首者受王命策書也臣受恩無可

以報謝者稱言虎拜稽首對揚王休叶上聲作

使君壽考而已天子萬壽叶上聲明明天子令聞

召公考叶去九切天子萬壽叶上聲明明天子令聞

不已矢其文德洽此四國叶于逼切傳對遂

考成矢施也箋對

答休美作為也虎既拜而答王策命之時稱

揚王之德美君臣之言宜相成也王命召虎

用召祖命故虎對王亦為召康公受王命之

時對成王命之辭謂如其所言也如其所言

者天子萬壽以下是也

江漢六章章八句

常武召穆公美宣王也有常德以立武事

因以為戒然箋戒者王舒保作匪

赫赫明明王命卿士南仲大祖大師皇父整

我六師以修我戎叶而主切傳赫赫然盛也

明明然察也王命南仲於

太祖皇甫為大師箋南仲文王時武臣也顯

著乎昭察乎宣王之命卿士為大將也乃用

其以南仲為大祖者今大師皇父是也使之

整齊六軍之眾治其兵甲之事命將必本其

祖者因有世功於是尤既敬既戒叶訖力切惠此

顯大師者公兼官也南國叶于逼切箋敬之言警也警戒六軍之

之害也每軍各有王謂尹氏命程伯休父左

右陳行戒我師旅率彼淮浦省此徐土

傳尹氏掌

命卿士程伯休父始命為大司馬浦淮也箋尹氏天子世大夫也率循也王使大夫尹氏策命程伯休父於軍將行治兵之時使其士眾左右陳列而勅戒之使循彼淮浦之旁省視徐國之土地叛逆者  
**不畱不處三事就緒**

軍禮司馬掌其誓戒  
傳誅其君弔其民為之立三有事之臣箋緒業也王又使軍將豫吉淮浦徐土之民云不  
久處於是也女三農之事皆就  
**赫赫業業**  
叶其業為其驚怖先以言安之

切約  
**有嚴天子王舒保作匪紹匪遊徐方繹騷**

叶先侯切傳赫赫然盛也業業然動也嚴然而威舒徐也保安也匪紹匪遊不敢繼以敖

遊也繹陳騷動也箋作行也紹緩也繹當作驛王之軍行其貌赫赫業業然有尊嚴於天子之威謂聞見者莫不憚之王舒安謂軍行三十里亦非解緩也亦非敖遊也徐國傳遽之驛見之知王兵必  
**震驚徐方如雷如霆徐**  
克馳走以相恐動

**方震驚**  
箋震動也驛馳走相恐懼以震動徐國如雷霆之恐怖人然徐國則驚動

而將  
**王奮厥武如震如怒**  
叶上  
**進厥虎臣闕**

**如虢虎鋪敦淮漬仍執醜虜**  
傳虎之自怒虢然漬涯仍就虜

服也箋進前也敦當作屯醜衆也王奮揚其威武而震雷其聲而勃怒其色前其虎臣之將闕然如虎之怒陳屯其兵於淮水大  
**截彼**  
防之上以臨敵就執其衆之降服者也

淮浦王師之所傳截治也箋治淮之旁國王

旅嘽嘽如飛如翰如江如漢如山之苞叶蒲侯切

如川之流傳嘽嘽然盛也疾如飛掣如翰苞本也箋嘽嘽閒暇有餘力之貌其

行疾自發舉如鳥之飛也翰其中豪俊也江漢以喻盛大也山本以喻不可驚動也川流

以喻不可禦也絲絲翼翼不測不克濯征徐國叶于逼切

傳絲絲靚也翼翼敬也濯大也箋王兵安靚且皆敬其勢不可測度不可攻勝既服淮浦

矣今又以大征王猶允塞徐方既來叶六直切傳猶

謀也箋猶尚允信也王重兵兵雖臨之尚守信自實滿兵未陳而徐國已來告服所謂善

戰者不陳徐方既同天子之功四方既平徐方來

庭傳來王庭也徐方不回王曰還歸箋回猶違也還歸振旅也

### 常武六章章八句

瞻卬凡伯刺幽王大壞也箋凡伯天子大夫也春秋魯隱

公七年冬天王使凡伯來聘

瞻卬昊天則不我惠孔填不寧降此大厲傳

天斥王也填久厲惡也箋惠愛也仰視幽王為政則不愛我下民甚久矣天下不安王乃

下此大惡邦靡有定士民其瘵叶子切蝨賊蝨

以敗亂之



疾靡有夷届

叶居吏切

罪罟不收靡有夷瘳

傳瘳病夷

常也罪罟設罪以為罟瘳愈也箋届極也天下騷擾邦國無有安定者士卒與民皆勞病其為殘酷痛病於民如蝨賊之害禾稼然為之無常亦無止息時施刑罪以羅網天下而不收斂為之亦無常無止息時此自王所下大惡

之人有民人女覆奪之

箋此言王削黜諸侯及卿大夫無罪者覆

猶反也

此宜無罪女反收之彼宜有罪女覆說

之

傳收拘收也說赦也

哲夫成城哲婦傾城

傳哲知也箋哲謂多

謀慮也城猶國也丈夫陽也陽動故多謀慮則成國婦人陰也陰靜故多謀慮乃亂國

懿厥哲婦為梟為鴟

箋懿有所痛傷之聲也厥其也其幽王也梟鴟

惡聲之鳥喻褒姒之言無善

婦有長舌維厲之階

叶堅奚切亂

匪降自天

叶鐵因切

生自婦人匪教匪誨時維婦

寺

傳寺近也箋長舌喻多言語是王降大厲之階階所由上下也今王之有此亂政非

從天而下但從婦人出耳又非有人教王為亂語王為惡者是惟近愛婦人用其言故也

鞫人忮忒譖始竟背

叶必墨切

豈曰不極伊胡為

慝

傳伎害忒變也箋鞫窮也譖不信也竟猶終也胡何慝惡也婦人之長舌者多謀慮

好窮屈人之語伎害轉化其言無常始於不信終於背違人豈謂其是不得中乎反云維

我言何用為如賈三倍君子是識婦無公事

休其蠶織

傳休息也婦人無與外政雖王后猶以蠶織為事古者天子為藉千

畝冕而朱紘躬秉耒諸侯為藉百畝冕而青紘躬秉耒以事天地山川社稷先古敬之至

也天子諸侯必有公桑蠶室近川而為之築宮仞有三尺棘墻而外閉之及大昕之朝君

皮弁素積卜三宮之夫人世婦之吉者使入蠶于蠶室奉種浴于川桑于公桑風戾以食

之歲既單矣世婦卒蠶奉繭以示于君遂獻繭于夫人夫人曰此所以為君服與遂副禕

而受之少牢以禮之及良日后夫人纁三盆手遂布于三宮夫人世婦之吉者使纁遂朱

綠之玄黃之以為黼黻文章服既成矣君服之以祀先王先公敬之至也箋織知也賈物

而有三倍之利者小人所宜知也君子反知之非其宜也今婦人休其蠶桑織維之職而

與朝廷之事其為非宜亦猶是也孔子曰君子喻於義小人喻於利天何以刺

何神不富

叶方味切

舍爾介狄維予胥忌

傳刺責富福狄

遠忌怨也箋介甲也王之為政既無過惡天何以責王見變異乎神何以不福王而有災

害也王不念此而改修德乃舍女被甲夷狄來侵犯中國者反與我相怨謂其疾怨羣臣

也不弔不祥威儀不類人之云亡邦國殄

瘁

傳類善殄盡瘁病也箋弔至也王之為政德不至於天矣不能致徵祥於神矣威儀

又不善於朝庭矣賢人皆言天之降罔維其

奔亡則天下邦國將盡困窮

優矣人之云亡心之憂矣

傳優渥也箋優寬也天下羅罔以取

有罪亦甚寬謂但以災異譴告之不指加罰於其身疾王為惡之甚賢者奔亡則人心無

不天之降罔維其幾矣人之云亡心之悲矣

傳幾危也箋幾近也言災異譴告離人身近愚者不能覺感涕檻泉維其

深矣心之憂矣寧自今矣不自我先不自我

後箋檻泉正出涌出也感涕出貌涌泉之源所由者深喻已憂所從來久也惡政不先

已不後已怪藐藐昊天無不克鞏傳藐藐大貌鞏固也

箋藐藐美也王者有美德藐藐然無不能自堅固於其位者微箴之也無忝皇

祖式救爾後

箋式用也後謂子孫也

瞻仰七章三章章十句四章章八句

召旻凡伯刺幽王大壞也旻閔也閔天下

無如召公之臣也

旻天疾威天篤降喪

箋閔病也

瘼我饑饉民卒流

亡

箋天斥王也疾猶急也瘼病也病乎幽王之為政也急行暴虐之法厚下喪亂之教

謂重賦稅也病國中我居圉卒荒傳圍垂也

國中至邊竟以天降罪罟蟲賊內訌傳訌潰也

此故盡空虛

爭訟相陷人之言也王施刑罪以羅網天下衆為殘酷之人雖外以害人又自內爭相讒

惡昏椽靡共潰潰回適實靖夷我邦切傳椽

天椽也潰潰亂也靖謀夷平也箋昏椽皆奄人也昏其官名也椽椽毀陰者也王遠賢者

而近任刑奄之人無肯共其職事者皆潰潰然維邪是行者皆謀夷滅王之國皐皐

訛訛曾不知其玷傳皐皐頑不知道也訛訛

政已大壞小人在位曾不知大道之缺兢兢業業孔填不寧我

位孔貶傳貶隊也箋兢兢戒也業業危也天

我王之位又甚隊矣言見侵侮政教不行後大戎伐之而周與諸侯無異如彼歲

旱草不潰茂如彼棲苴傳潰遂也苴水中浮草也箋潰茂之潰當

作彙彙茂貌王無恩惠於天下天下之人如旱歲之草皆枯槁無潤澤如樹上之棲苴

我相此邦無不潰止箋潰亂也無不亂者言

曰潰邑亂曰叛維昔之富不如時傳往者富仁賢今

也時今維今之疚不如茲傳今則病賢也箋

昔明彼疏斯裨胡不自替職兄斯引傳彼宜

反食精裨替廢况茲也引長也箋疏靡也謂

之黨反食精裨女小人耳何不自廢退使賢者得進乃茲復主長此為亂之事乎責之也

米之率糲十糲傳頻也九鑿八侍御七箋池之竭矣不云自頻傳頻也

當作濱傳臣益之箋泉之竭矣不云自中傳泉也

喻王猶池也政之亂箋泉者中水生則益深水傳泉也

不生則竭箋泉也政之亂又由內無賢傳泉也

如益箋溥斯害矣職兄斯弘不裁我躬箋溥猶傳溥也

時徧有此內外之害矣乃茲復主大此為亂傳溥也

昔先王受命有如召公曰辟國百里今也日傳溥也

蹙國百里傳辟開蹙促也箋先王受命謂文傳溥也

如昔時賢臣多非獨傳溥也於乎哀哉維今之人不傳溥也

召公也今幽王臣傳溥也於乎哀哉維今之人不傳溥也

尚有舊傳溥也於乎哀哉維今之人不傳溥也

召旻七章四章章五句三章章七句傳溥也

蕩之什十一篇九十二章七百六十九傳溥也

句傳溥也

毛詩卷六終

毛詩卷六音釋

蕩辟音僻 謹本音市 培蒲侯切 魚音包 倬火交切 澆面善切

呼火故切 曩皮器切 抑九勇切 邊他歷切 玷丁簞切 捫

門音門 讐鄭市切 藐本美切 桑初亮切 倉初亮切 兄音况 填音塵 燼

本才切 疑本讀作屹 俾都但切 睿武巾切 恣音秘 僂音愛 葬音普

切 牲所巾切 陰同陰 赫鄭作赫 雲漢聽 瘞於例切 推

吐雷切 馘蒲末切 憚毛丁切 癘都田切 趣七口切 卬音仰 羸

盈音盈 崧尺叔切 高尺叔切 倣尺叔切 郿亡悲切 峙直紀切 張音張 番本音波

烝民假音格後多音格後做此否音鄙解音懈後多音懈後做此茹音汝矜音同韓

奕共音九切音九幹音古旦鏤音漏錫音羊鞞音苦弘幪音莫歷

姑音其一訐音况甫嘖音愚甫貌音毗江漢音酉常武

闕音呼咸號音火交敦音鄭瀆音符云瞻音他說音他活

寺音侍伎音之鼓譖音子念狄音毛他召旻音戶工冢

音丁角苴音士如糶音皮賣兄音况裁音災辟音同







